

國風邶鄘衛

詩傳二





詩傳大全卷之二

邶一之三

邶鄘衛三國名在禹貢冀州西阻太行  
北逾衛漳東南跨河以及兗州桑土之  
野及商之季而紂都焉武王克商分自  
紂城朝歌而北謂之邶南謂之鄘東謂  
之衛以封諸侯邶鄘不詳其始封衛則  
武王弟康叔之國也

安成劉氏曰武王  
作洹詰武康叔而

曰明大命于妹邦妹邦即紂都則康叔  
封衛明在武王時矣邶鄘之地豈始為  
武庚三叔之封至成王滅武庚誅三監  
乃復以封他國而其後又并入於衛也





詩傳大全卷之二

邶一之三

邶鄘衛三國名在禹貢冀州西阻太行  
北逾衡漳東南跨河以及兗州桑土之  
野及商之季而紂都焉武王克商分自  
紂城朝歌而北謂之邶南謂之鄘東謂  
之衛以封諸侯邶鄘不詳其始封衛則  
武王弟康叔之國也

安成劉氏曰武王作酒誥戒康叔而

曰明大命于妹邦妹邦即紂都則康叔封衛明在武王時矣邶鄘之地豈始為武庚三叔之封至成王滅武庚誅三監乃復以封他國而其後又并入於衛也

數

衛本都河北朝歌之東淇水之北百

泉之南其後不知何時并得邶鄘之地

至懿公為狄所滅戴公東徙渡河野處

漕邑文公又徙居于楚丘朝歌故城在

今衛州衛縣西二十二里所謂殷墟衛

故都即今衛縣漕楚丘皆在滑州大抵

今懷衛澶音蟬相去聲滑濮等州開封大名

府界皆衛境也懷州今懷慶府衛州今衛輝府相州今彰德府

開封府今仍舊並隸河南大名府今仍舊澶州今開州滑州今滑縣並隸北京

濮州今東昌府但邶鄘地既入衛其詩



皆為衛事而猶繫其故國之名則不可

曉

朱子曰存其舊跡者豈其聲之異歟又曰衛有衛音廊有廊音邶有邶音

故

詩有廊音者係之廊有邶音者係之

邶

○慶源輔氏曰先生初說亦疑其為

聲

之異今但以為不可曉者蓋此等既

不

繫詩之大義又他無所考不若闕之

為

得也○程子曰一國之詩而三其名

得

於衛地者為衛得於邶邶者為邶邶

○

華谷嚴氏曰存邶廊之名不與衛之

滅

國也○安成劉氏曰綠衣燕燕等詩

莊

姜自作共姜作柏舟桑中言沫鄉皆

正

作于衛國而或係邶或係廊泉水載

馳

竹竿皆大作於外國而一係邶一係廊

一

係衛意大師各從得詩之地而一係之

也

其所以必係邶廊故名者無乃欲寓

興

滅絀絕之心如春秋昭公八年楚既

滅

陳而九年經大書陳灾穀梁以為存陳

亦

此意也是以大師存邶廊之名置於

衛前亦如魏風先於唐之例夫子而舊

存其名而不削因其序而不革耳

說以此下十三國皆為變風焉華谷嚴

此者變也邶鄘衛皆綱領風之正也反乎

也○竹房張氏曰正風以關雎為首者

得為夫婦人倫之至正者也變風以邶柏

次鄘栢舟者處母子之變者也○眉山

蘇氏曰春秋所見百七十餘國變風之

作春秋數世矣而載於大師者獨十三

國意者列國不皆有詩其有詩者雖檜

曹之小邶鄘之亡

汎

芳劍反

彼栢舟亦汎其流耿耿

古幸反

不寐如有

隱

憂微

我無酒以敖

五羔反

以遊



比也汎流貌栢木名耿耿小明憂之貌也朱

日耿耿猶微微不寐貌也○慶源輔氏曰蓋

人有其所憂則其心耿耿然唯於憂之一路分

明耳其他固有其所不及也古人下字不

苟如此唯其心耿耿然故不能寐也

也微猶非也○婦人不得於其夫故以栢舟

自比興問栢舟看來與關雖亦無異彼何以為

彼興此此詩才說栢舟下面更無貼意見得

其義是此○安成劉氏曰有全章皆比者如

蠡斯之類固專屬比矣亦有比意之外繼陳

其事如此章之類者今以集傳賦而比之體

反觀之此而興之體例求之則

堅綬音雅牢實而不以乘載無所依薄安成

日薄字訓附以說卦雷風相薄証之只讀作

治著以離騷九章芳不得薄之薄証之則音



為博而亦但汎然於水中而已華谷嚴氏曰二柏舟用意

皆在下句邳柏舟在於彼中河也故其隱憂之

深如此非為無酒可以教遊而解之也列女

傳以此為婦人之詩今考其辭氣卑順柔弱

且居變風之首而與下篇相類豈亦莊姜之

詩也歟新安胡氏曰列女傳以為衛宣夫人

弱而不合則云不能奮飛可見婦人詩何則人臣

道不合則去是有可去之義若姜氏則無可

去之義矣故曰不能奮飛况以下四篇皆婦

人作二南與邶鄘柏舟皆首婦人亦是一證

○鄭氏曰莊姜淫公夫人齊女姓姜氏

○我心匪鑒不可以茹

如預反

亦有兄弟不可以



據薄言往愬逢彼之怒

賦也鑒鏡砒度

待洛反廬陵羅氏曰量也謀也計也料也忖也惟分寸丈

尺引曰五度則也過也音徒故反放此類推

據依愬告也○言我

心既匪鑒而不能度物雖有兄弟而又不

依以為重故往告之而又遭其怒也

慶源輔氏曰內

既不得於其夫外又不得於其兄弟其情之無聊亦甚矣

○我心匪石不可轉也我心匪席不可卷

卷勉反

也威儀棣棣不可選也

賦也棣棣富而閑習之貌

慶源輔氏曰富謂富盛也富盛則全

備而無欠缺閑習則從容而不生也○東萊呂氏曰言威儀閑習自有常德

選簡

擇也○言石可轉而我心不可轉席可卷而

我心不可卷威儀無一不善又不可得而簡

擇取舍皆自反而無闕之意慶源輔氏曰心之不可轉不可

卷言其有常也威儀之不可選言其皆善也唯其存諸中者有常而不可移故形於外者

皆善而不

○憂心悄悄七小愠于羣小古豆觀既多受

侮不少靜言思之寤辟反有標符小

賦也悄悄憂貌愠怒意羣小衆妾也言見怒

於衆妾也觀見閔病也辟拊心也標拊心貌

孔氏曰寤覺之中拊心而手標然○慶源輔氏曰此章又言其所憂之事以至於拊心而



有標則其  
憂極矣

○日居月諸胡迭

待結反

而微心之憂矣如匪澣

戶管反

衣靜言思之不能奮飛

比也居諸語辭迭更微虧也

華谷嚴氏曰微謂不明也日月

食則不明十月之交云彼月而微此日而微

匪澣衣謂垢汙不濯

之衣奮飛如鳥奮翼而飛去也○言日當常

明月則有時而虧猶正嫡當尊衆妾當卑今

衆妾反勝正嫡是日月更迭而虧是以憂之

至於煩寃憤

古對反心亂也

眊

音冒目不明也如衣不澣之

衣恨不能奮起而飛去也

柏舟五章章六句

朱子曰讀詩須當諷味

如婦人不得於其夫宜其怨之深矣而  
曰我思古人實獲我心又曰靜言思之  
不能奮飛其詞氣忠厚惻怛怨而不過  
如此所謂止乎禮義而中喜怒哀樂之  
節者所以雖為變風而繼二南之後者  
以此臣之不得於君子之不信皆當以此  
為法如屈原不忍其憤懷沙赴水此賢  
者之過也賈誼云歷九州而相其君兮  
何必懷此都也又失之遠矣讀詩須合  
如此看所謂詩中可以興可以觀可以羣  
可以怨是詩中大義不可不觀會得○  
問靜言思之不能奮飛猶似未有和平  
意思也只是如此說無過當處既有可  
怨之事亦須還他有些怨底意思終不  
成只如平時却與土木相似只看舜之  
號位于旻天更有甚於此者喜怒哀樂  
但發之不過其則耳亦豈可無聖賢處



憂危只要不失其正如綠衣言我思古  
人實獲我心這般意思却又分外好○  
慶源輔氏曰首章以柏舟為比比其可  
用垂載也末章以日月為比比其當明  
而虧當尊而卑也所謂詞氣卑順柔弱  
全篇固然末後兩章尤可見○竹房張  
氏曰莊姜處夫共姜處母子之變自守而不  
忍斥言其夫共姜處母子之變以死誓  
無他感動其母然母之慈愛猶可回也  
故共姜處之易夫之昏惑不可移也故  
莊姜處之難所以冠鄘衛居變風之首  
也○豐城朱氏曰莊姜不得志於夫而  
無怨夫之意不見禮於兄弟而無絕兄  
弟之情不見愛於衆妾而無怒衆妾之  
心而所以自反者惟知心志不可以不  
專一威儀不可以不閑習使惡我者無  
得而簡擇怒我者無得而瑕疵亦可謂  
善自處矣此所以居變風之首也歟又  
曰莊姜之憂憂已之不得於其夫也已  
之不得於其夫似若未害也而其夫婦之

道於此乎始虐嫡妾之分於此乎始亂  
事始於閨門而毒流於一國怨生於社  
席而禍延於後世則其憂也豈惟一人  
之憂乃邦國無窮之憂也而亦何能自  
已於言乎夫子錄之且列於變風之  
首固將以垂戒於天下後世也歟

綠兮衣兮綠衣黃裏心之憂矣曷維其已

比也綠蒼勝黃之間色黃中央土之正色

安成

劉氏曰青黃赤白黑五方之正色也綠紅碧  
紫纁五方之間色也蓋以木之青克土之黃  
合青黃而成綠  
為東方之間色間色賤而以為衣正色貴而

以為裏言皆失其所也已止也○莊公惑於

嬖妾

曹氏曰莊公揚武公子左傳謂公子州  
吁嬖人之子也有寵此所謂妾或州吁

之毋  
夫人莊姜賢而失位故作此詩言綠衣

歟



黃裏以比賤妾尊顯而正嫡幽微孔氏曰間色為衣而

見正色反為裏而隱猶妾蒙寵而顯夫人反見踈而微也使我憂之不能

自已也南軒張氏曰言嫡妾之亂其弊將有不可勝言者憂在宗國也夫豈為一

身之私哉○疊山謝氏曰嫡妾易位尊卑不明家不齊則國不治莊姜之心豈但憂一身

哉為君憂為君之子憂為國家後日憂其憂何時能止也

○綠兮衣兮綠衣黃裳心之憂矣曷維其亡

比也上曰衣下曰裳記曰衣正色裳間色今

以綠為衣而黃者自裏轉而為裳其失所益

甚矣孔氏曰問色為衣而在上正色為裳而處下猶妾蒙寵而尊夫人反見踈而卑

前以表裏喻幽顯此以上下喻尊卑亡之為言忘也

○綠音尤兮反絲音兮反女音所反治平兮我思古人俾無訖

于其反兮

比也女指其君子而言也治謂理而織之也  
俾使訖過也○言綠方為絲而女又治之以  
比妾方少艾而女又嬖之也然則我將如之  
何哉亦思古人有嘗遭此而善處之者以自  
勵焉使不至於有過而已慶源輔氏曰彼之

之所為則欲其無過而已此其所以為賢也

○絺兮綌兮淒反西其以風叶為我思古人實

獲我心



比也淒寒風也○絺綌而遇寒風猶已之過  
時而見棄也故思古人之善處此者真能先  
得我心之所欲也朱子曰古人所為洽與我  
合只此便是至善前乎千  
百世之已往後乎千百世之未來只是此道  
理孟子所謂善合符節政謂是爾○慶源輔  
氏曰莊姜始則思法古人以求無過既又因  
古人之事而知其先得我心之所同然者可  
不謂之賢乎哉

### 綠衣四章章四句

莊姜事見春秋傳此詩無所考姑從序

說下三篇同

左氏傳隱公三年初衛莊  
公娶于齊東宮得臣之妹

曰莊姜美而無子戴嬀生桓公莊姜以  
為己子公子州吁嬖人之子也有寵而

好兵公弗禁莊姜惡之○華谷嚴氏曰  
女子之情饒怨此詩但刺莊公不能正  
嫡妾之分其詞氣溫柔敦厚如此故曰  
詩可以怨○黃氏曰觀詩至綠衣然後  
知先王之風澤深厚夫以婦人女子而  
所知如此詞氣坦夷固與氣息弗然者  
不可同年語矣蓋不得已而後言仁厚  
積中而然也○定宇陳氏曰不得於夫  
而不疾其妾惟思古人以自修其身憂  
而不傷怨而不怒孔子謂詩可以怨其

此類也

燕燕于飛差

初宜反

池其羽之子于歸遠送于野

叶上反

瞻望弗及泣涕如雨

與也燕音卑

壹音

也謂之燕燕者重言之也

孔氏曰古

人重言之漢書童謠

燕燕尾涎涎是也差池不齊之貌之子指



戴嬀也歸大歸也

廬陵羅氏曰大歸者不反之詞公羊傳註曰大歸者

廢棄來歸也○毛氏曰歸宗也

○莊姜無子以陳女戴嬀之

子完為己子莊公卒完即位嬖人之子州吁

弑之故戴嬀大歸于陳而莊姜送之作此詩

也

臨川王氏曰燕方春時以其匹至其羽相與差池其鳴一上一下故感以起興○眉

山蘇氏曰禮婦人送迎不出門遠送于野情之所不能已也○南軒張氏曰獨言泣涕之

情者蓋家國之事有不可勝悲者晉褚太后批桓溫廢立詔云未亡人不幸罹此百憂感

念存後心焉如割有不盡之意此但叙離別之谷嚴氏曰風人舍不盡之意此但叙離別之

恨而子弑國危之戚皆隱然在不言之中矣

○燕燕于飛頤頤

反戶結

之頤

反戶郎

之子于歸遠

于將之瞻望弗及佇立以泣

興也飛而上曰頡飛而下曰頽將送也佇立  
久立也

○燕燕于飛下上

時掌反

其音之子于歸遠送于

南

叶民心反

瞻望弗及實勞我心

興也鳴而上曰上音鳴而下曰下音送于南

者陳在衛南

慶源輔氏曰泣涕如雨初別時也佇立以位已別而久立以泣

也實勞我心既去而思之不忘也

○仲氏任

而今反

只

音紙其心塞淵

叶一均反

終溫且惠

淑慎其身先君之思以勗寡人



賦也仲氏戴孀字也以恩相信曰任只語辭

塞實淵深終竟溫和惠順淑善也先君謂莊

公也易勉也寡人寡德之人莊姜自稱也○

言戴孀之賢如此又以先君之思勉我使我

常念之而不失其守也孔氏曰言仲氏有德

又終能溫和恭順善自謹慎其身內外之德

既如此又於將歸之時以思先君之故勸勉

寡人以楊氏曰州吁之暴桓公之死戴孀之

去皆夫人失位不見答於先君所致也慶源

曰以恩愛相信嫡妾相與之情於是為至塞

實不虛妄也淵深不淺露也二者其本也溫

謹也。有是衆德而。又謹而戴嬀猶以先君之

思勉其夫人真可謂溫且惠矣。或謂戴嬀不

亦緣他之心塞實淵深所稟之厚故能如此

朱子曰古人文字之義詞氣溫厚和理義精密

如書至先王肇修人紀至茲惟艱哉深誦數

出神

### 燕燕四章章六句

天台潘氏曰前三章但

不能已者四章乃見莊姜拳拳於戴嬀非是

情愛之私由其有塞淵溫惠之德能自

不愆慎其身又能以先君之思勉莊姜以

善者多矣故於其歸而愛之如此無非

情性之正也。○新安胡氏曰國風雖變



猶有如是之婦人此所謂先王之澤未  
泯而康叔之餘烈猶在也○豐城朱氏  
曰余讀是詩未嘗不歎莊公之狂惑也  
使其翻然悔悟立莊姜以為之主俾戴  
嫡以為之助則閨門正矣立子完以為  
之嫡命石碣以為之輔則國本定矣若  
州吁者可教則姑教之不可教則去之  
夫如是則衛非今日之衛即康叔武公  
之衛矣顧乃以寵奪正以尊奪宗卒貽  
國家無窮之禍不謂之狂惑而可乎

日居月諸照臨下土乃如之人兮逝不古處

呂昌

反胡能有定寧不我顧

五反果

賦也日居月諸呼而訴之也之人指莊公也

逝發語辭古處未詳或云以古道相處也

長樂

王氏曰不以古胡寧皆何也○莊姜不見答

夫婦之道處我

於莊公故呼日月而訴之言日月之照臨下

土久矣今乃有如是之人而不以古道相處

慶源輔氏曰觀綠衣之詩所謂我思古人則於此歎莊公不以古道處已者宜也自處以

古人為法而望人皆以古道處已是其心志回

惑亦何能有定哉而何為其獨不我顧也見

棄如此而猶有望之意焉此詩之所以為

厚也安成劉氏曰每章章末二句皆有望之意

○日居月諸下土是冒乃如之人兮逝不相好

反呼報胡能有定寧不我報

賦也冒覆也報答也



○日居月諸出自東方乃如之人兮德音無良胡能有定俾也可忘

賦也日旦必出東方月望亦出東方德音美

其辭無良醜其實也

華谷嚴氏曰此德音無良及邶谷風德音莫違

皆夫人言其夫待已之意俾也可忘言何獨使我為可忘

者耶

○日居月諸東方自出父兮母兮畜我不卒胡能有定報我不述

賦也畜養卒終也不得其夫而歎父母養我之不終蓋憂患疾痛之極必呼父母人之至

情也

安成劉氏曰日居月諸呼日月而訴之泣于是天于父母之意

泣于是天于父母之意

述循也言不循義理也

日月四章章六句

慶源輔氏曰呼日月而但云照臨下土尊之之

詞也呼父母而遂言畜我不卒親之之詞也一章云寧不我顧言不相顧眄也

二章言寧不我報言不相酬答也三章云俾也可忘則蒙上句胡字言何獨使

我為可忘者耶詞雖緩而意則切矣四章言報我不迷則又言莊公雖有時相

報我而都不循乎義理也雖為莊公所棄而猶有望之之意焉是其性情之正也

也

此詩當在燕燕之前下篇放此

新安胡氏曰此

篇分明作於莊公之時胡能有定只是說莊公心志回惑反覆無定之意故不



我顧不我報俾也可忘而報我不述也  
○問日月終風二篇據集傳云當在燕  
次之蓋詳終風之詞莊公於姜猶有往  
來之時至日月則見公已絕不顧姜而  
姜不免微怨矣燕燕則莊公絕不顧姜而  
妾情不能堪耳以此觀之則終風當先  
日月當次朱子曰恐或如是○豐城朱  
氏曰變風之始於莊姜何也曰婦人夫  
其所天也以夫則狂惑妾其所以使也  
妾則上僭子其所恃賴以終身也以子  
則暴而無禮莊姜之處此亦難矣雖遭  
人倫之變而不失乎天理之常則莊姜  
亦賢矣哉是可以為處變者之法矣

終風且暴顧我則笑

叶音

譎

許約

浪

笑

教

反

五

報

中心是悼

比也終風終日風也暴疾也譎戲言也浪放

蕩也悼傷也○莊公之為人狂蕩暴疾莊姜  
 盖不忍斥言之故但以終風且暴為比言雖  
 其狂暴如此然亦有顧我則笑之時但皆出  
 於戲慢之意而無愛敬之誠則又使我不敢  
 言而心獨傷之耳盖莊公暴慢無常而莊姜  
 正靜自守所以忤其意而不見答也

○終風且霾叶亡皆反惠然肯來叶陵之反莫往

莫來悠悠我思叶新才新

比也霾雨去聲土蒙霧音茂又也爾雅孫炎曰

從上而下也惠順也悠悠思之長也○終風且霾



以比莊公之狂惑也雖云狂惑然亦或惠然

而肯來毛氏曰時有順心也但又有莫往莫來之時則

使我悠悠而思之望其君子之深厚之至也

○終風且曠於計反不日有曠寤言不寐願言則

寤都麗反

比也陰而風曰曠有又也蘇氏曰古有又通不日有

曠言既曠矣不旋日而又曠也亦比人之狂

惑暫開而復蔽也願思也寤音仇病寒寤鼻室也

也人氣感傷閉鬱又為風霧所襲則有是疾

也慶源輔氏曰寤則憂而不能寐思之則感傷氣閉而成疾其憂危甚矣

○瞿瞿其陰虺虺其雷寤言不寐願言則懷胡叶

反攪

比也瞿瞿陰貌虺虺雷將發而未震之聲以

比人之狂惑愈深而未已也東萊呂氏曰驟

待至於瞿瞿之陰虺虺之期也懷思也

### 終風四章章四句

說見上安成劉氏曰一章言莊公狂暴

而莊公猶有顧笑惠來之時所謂暴慢

無常狂惑暫開者也三章則暫開而復

蔽四章則愈深而未已皆是以前兩句為  
比若以此詩繼綠衣之後次日月次燕  
燕讀之方可備見姜氏初作柏舟綠衣  
唯自憂歎而止於和平未嘗指譏公之



為人也不至於終風則言其狂惑蔽固而猶不忍斥言及日月然後極其詞此豈

情之所  
得已哉

擊鼓其鏜

吐當反

踊躍用兵

叶脯反

土國城漕我獨

南行

叶戶郎反

賦也鏜擊鼓聲也踊躍坐作擊刺之狀也兵

謂戈戟之屬土土功也國國中也漕衛邑名

華谷嚴氏曰漕鄘地也在河南

○衛人從軍者自言其所為

因言衛國之民或役土功於國或築城於漕

而我獨南行有鋒

兵端也

鏑

音滴矢

死亡之憂

危苦尤甚也

三山李氏曰土國城漕非不勞苦而獨處於境內今我之在外

死亡未可知也○鄭氏曰南行從軍南行伐鄭

○從孫子仲平陳與宋不我以歸憂心有忡中

反叶  
衆反

賦也孫氏子仲字時軍帥也平和也合二國

之好也鄭氏曰謂使告宋曰君為主敝邑以賦與陳蔡從○新安胡氏曰必先和

陳宋而後舊說以此為春秋隱公四年刪吁

自立之時宋衛陳蔡伐鄭之事恐或然也以

猶與也言不與我而歸也

○爰居爰處爰喪息浪其馬叶滿子以求之于

林之下叶後

五反



賦也爰於也於是居於是處於是喪其馬而求之於林下見其失伍離次無闔志也

○死生契苦結反闊叶苦反與子成說執子之手與

子偕老叶魯反

賦也契闊隔遠之意成說謂成其約誓之言

○從役者念其室家因言始為室家之時期以死生契闊不相忘棄又相與執手而期以

偕老也

○于音吁下同嗟闊叶苦反号不我活叶戶反号于嗟洵

音荀号不我信叶人反号

賦也于嗟歎辭也闊契闊也活生詢信也信  
 與申同釋文曰即古伸字○言昔者契闊之約如此  
 而今不得活偕老之信如此而今不得伸意  
 必死亡不復得與其室家遂前約之信也

擊鼓五章章四句

安成劉氏曰按左傳伐鄭圍其東門五月而還

出師不為久而衛人之怨如此身犯大逆衆叛親離莫肯為之用爾○豐城朱氏曰役主功於國者此民也築城於漕者亦此民也南行而平陳與宋者又此民也先王之於民也不得已而用之則必先其所急後其所緩未聞衆役並興罷民之力以逞已之志若斯之甚者也  
是亦可謂忍矣其卒至於敗亡也宜哉

凱風自南

叶尼反

吹彼棘心棘心夭夭

於驕反

母氏



勠勞

僚叶音

比也南風謂之凱風長養萬物者也

孔氏曰李巡云

萬物喜樂故曰凱風

凱風棘小木叢生多刺難

長而心又其稚弱而未成者也

字書棘如棗而多刺木堅

色赤色白為白棘實酸為棘棘

夭夭少好貌勠勞病苦也○

衛之淫風流行雖有七子之母猶不能安其

室故其子作此詩以凱風比母棘心比子之

幼時蓋曰母生衆子幼而育之其勠勞甚矣

華谷嚴氏曰棘至夏始生凱風南來吹彼雅

弱之棘心至於天天然少好則風之為力多矣比母以慈愛之情養我七子之身至於少長則母亦當苦矣母之養子於少時最勞苦

本其始而言以起自責之端也

○凱風自南吹彼棘薪母氏聖善我無令人

興也

安成劉氏曰上章言凱風棘心兩下句無應故屬比此章言風與棘兩下文以

母與子應故屬興二聖歡令善也○棘可以

章相似而不同也為薪則成矣然非義材故以興子之壯大而

無善也復以聖善稱其母而自謂無令人其

自責也深矣

長樂劉氏曰自言七子之中有一令善之人則母亦不舍之而去

也

○爰有寒泉在浚之下

叶後反

有子七人母氏勞

苦



與也浚衛邑○諸子自責言寒泉在浚之下

猶能有所滋益於浚而有子七人反不能事

母而使母至於勞苦乎

永嘉陳氏曰寒泉在浚邑人賴之以生

養令子七人反不能養一母而使母勞苦求

嫁也○孔氏曰寒泉有益於浚浚民得以逸

樂以與七子無益於於是乃著微指其事而

痛自刻責以感動其母心也母以淫風流行

不能自守而諸子自責但以不能事母使母

勞苦為詞孔氏曰母欲嫁者本為淫風流行

而思嫁也上章言母氏劬勞謂長養七子劬

勞也此謂母今日勞苦思嫁與上不同也婉詞幾諫不顯其親之惡可謂孝矣下章放

此

○覲

胡顯反 覲華板反

黃鳥載好其音有子七人莫

慰母心

與也覲睨清和圓轉之意

新安胡氏曰黃鳥即黃鶯其音清和

流轉

○言黃鳥猶能好其音以悅人而我七子

獨不能慰悅母心哉

孔氏曰自責言黃鳥之不如也○慶源輔氏曰

三章以無情興有情四章以無知興有知

凱風四章章四句

南豐曾氏曰凱風盛於夏時黃鳥鳴於夏木寒

泉亦夏所宜耳寒泉能使人甘之有子而

莫慰母心○止齋陳氏曰瞽瞍日須舜則負罪聖人豈緣飾哉其心誠曰吾罪



焉而己矣此詩每日有子七人蓋曰吾  
屬在此無益也抑以見一門昆弟皆舜  
耕歷山氣象○壘山謝氏曰不怨母而  
責己孝之至也○慶源輔氏曰母之不  
善在他入見之則可自其子觀之則只  
見其聖善而七子之中自無令人而已  
不然則聖善不足以感悟其母以成其善志  
也其曰聖善過為歸美之詞耳此唯子  
可以施之於母臣而事君如此則未安  
也韓退之作姜里操云臣罪當誅兮天  
王聖明雖程子亦以此言為得文王之  
心而先生常云看得文王之心不解如  
此蓋聖人之處患難其樂天知命尊君  
親上之意固自不能無豈有紂如是無  
道而乃強以為聖明者哉

雄雉于飛泄泄

反移世

其羽我之懷矣自詒伊阻

興也雉野鷄雄者有冠長尾身有文采善闘

泄泄飛之緩也懷思詒遺去聲阻隔也○婦人

以其君子從役于外故言雄雉之飛舒緩自

得如此而我之所思者乃從役於外而自遺

阻隔也慶源輔氏曰我之懷矣指其夫也自詒伊阻不以怨人也

○雄雉于飛下上時掌反其音展矣君子實勞我

心

興也下上其音言其飛鳴自得也展誠也言

誠又言實所以甚言此君子之勞我心也慶源

輔氏曰言有盡而意無窮也

○瞻彼日月悠悠我思叶新齊反道之云遠曷云能



來之叶反

賦也悠悠思之長也見日月之往來而思其

君子從役之久也

程子曰日月取其迭往迭來之意又日月陰陽相配

又旦暮所見動人情思總包意其間。鄭氏曰視日月之行迭往迭來今君子獨久行役而悠然而思我心

○百爾君子不知德行下孟反叶不忮之反不

求何用不臧

賦也百猶凡也忮害求貪臧善也○言尼爾

君子豈不知德行乎

慶源輔氏曰不知德行不與鄂不韡韡之

同若能不忮害又不貪求

止齋陳氏曰忮心生於忿怒求心生

於貪慕故人之恥貧賤患難者能不忤則或  
入於求能不求則或入於忤故忤者常生於  
嫉人求者常則何所為而不善哉憂其遠行  
至於枉已

之犯患冀其善處而得全也東萊呂氏曰思其君子之切而

知其未得歸也於是自解曰凡百君子但不  
忤害不貪求則何所用而不善雖久處軍旅

之問固未害也○新安胡氏曰此亦發乎情止乎禮義之意

雄雉四章章四句上蔡謝氏曰君子之於詩非徒誦其言又將以

考其情性非徒以考其情性又將以考  
先王之澤蓋法度禮樂雖亡於此猶能

併與其深微之意而傳之故其為言率  
皆樂而不淫憂而不困怨而不怒哀而

不傷如綠衣傷已之詩也不過曰我思  
古人俾無訛予擊鼓怨上之詩也不過

曰土國城漕自我獨南行至軍旅數起大  
夫久役止曰自詒伊阻行役無期度思



其危難以風焉不過曰苟無飢渴而已  
作詩者如此讀詩者其可以邪心讀之  
乎○豐城朱氏曰雄雉四章前三章皆  
所謂發乎情後一章乃所謂止乎禮義  
蓋閨門之內以愛為主則雖思之切  
是亦情之正也惟其思之也切故其憂  
之也深惟其憂之也深故其勉之也至  
伎求者皆取禍之道也必能不伎害不  
貪求乃可以自免於患矣噫不伎不求  
此孔門克己之術求仁之方而行役之  
婦人能言之其亦可謂賢也已  
此其所以為先王之遺澤也歟

匏有苦葉濟有深涉深則厲淺則揭苦例反

比也匏瓠

音護也

埤雅曰長而瘦上曰瓠短頸大腹曰匏

匏之苦

者不可食特可佩以渡水而已然今尚有葉

則亦未可用之時也

華谷嚴氏曰匏經霜其葉枯落然後乾之腰以

渡水濟渡處也行渡水曰涉以衣而涉曰厲爾雅

邢昺疏云此衣謂褌也言水深至於褌以上者而涉渡之名厲褌音褌衣而涉

曰揭爾雅絲膝以上為涉絲帶○此刺淫亂

之詩言匏未可用而渡處方深行者當量其

淺深而後可渡以比男女之際亦當量度禮

義而行也毛氏曰遭事制宜如遇水深則厲

哉○華陽范氏曰深則厲淺則揭安可無禮義

善不顧禮義猶不度水之深淺而欲濟也

○有彌彌爾濟盈有鷺以雉鳴濟盈不濡軌

居義反叶居有反雉鳴求其牡

比也彌水滿貌鷺雉聲軌車轍也竹房張氏曰說



文曰軌車轍也從車九軌車軾前也從車凡  
音犯諸家辨之詳矣然集傳獨從軌蓋以九  
壯聲之叶也軌聲則難叶矣○廬陵羅氏曰  
周禮軌人疏轍廣謂之軌轍末亦為軌韻會  
曰車軸謂轡頭也轡即車頭之端貫轂者車  
輪廣狹高下皆定於軌軌同則轍迹亦同後  
人因謂車轍亦曰軌曲禮塵不出軌以高下  
言中庸車同軌以廣狹言蓋車輪崇六尺六  
寸軌居輪中若濡軌則水涉三尺三寸飛曰雌雄走曰牝牡○

夫濟盈必濡其轍雉鳴當求其雄此常理也

今濟盈而曰不濡軌雉鳴而反求其牡竹房張氏

曰走曰牝壯此爾雅釋獸之正例諸家以牝  
雞雄狐為證言飛走通也殊不識詩人之意  
曰當濡其轍今乃不濡其轍迹是大異常也如此  
當求其雄今乃求其牡獸是大異常也如此  
歌之則得詩人之旨矣以比淫亂之人不度禮義  
意知集傳之旨矣

非其配耦而犯禮以相求也

○雝雝鳴鴈

叶魚反

旭

許王反

日始旦士如歸妻迨

冰未泮

賦也雝雝聲之和也

孔氏曰生執之以行禮故言鴈聲

鴈鳥

名似鵝畏寒秋南春北旭日初出貌

毛氏曰

謂大昕之時所音欣

昏禮

廬陵李氏曰娶妻之禮以昏為期因以名焉日入二刻半

為納采用鴈

孔氏曰六禮唯納徵用幣餘皆昏用鴈○鄭氏曰用鴈者取其順

陰陽往來○程子曰取其不再偶也○本草註曰鴈為陽鳥蓋得中和之氣熱即北寒即

南以就氣所以為贅者一取其信一取其和也○朱子曰凡贅用生鴈左首以生色繪

交絡之○安成劉氏曰集傳但言納采用鴈者唯舉六禮之始耳

親迎聲以



昏而納采請期以旦

鄭氏曰自納采至請期皆用昕者君子行禮貴其始親迎用昏○孔

氏曰用昏鄭氏云取陰陽往來之義歸妻以冰

泮而納采請期迨冰未泮之時○言古人之

於婚姻其求之不暴而節之以禮如此以深

刺去聲淫亂之人也新安胡氏曰味士如歸妻之辭可見是刺淫者若責

之曰士如欲歸妻自不當以士言之禮何得如此

淫亂也若刺宣公不當以士言○慶源輔氏曰此章言婚姻之常理以刺淫亂者之不然也

○招招舟子叶漿反人涉卬五郎反否叶補反人

涉卬否卬須我友叶羽反

比也招招號音毫召之孔氏曰王逸云以手曰招以口曰召舟

子舟人主濟渡者印我也○舟人招人以渡人皆從之而我獨否者待我友之招而後從之也以比男女必待其配耦而相從而刺此人之不然也

匏有苦葉四章章四句

慶源輔氏曰此詩意雖正而體製異

於諸作若有所不敢正言之意一章言為事當有所度量二章言苟不能度量則必至於反常而逆理三章則詔之以婚姻常禮四章則言人當有不可刺淫亂之人亂常逆理而無有不可也○安成劉氏曰此詩一章二章四章反覆諷刺皆以濟涉之事為比豈所指見人居津水之傍歟抑詩人以一時所見而取譬歟



習習谷風以陰以雨黽勉同心不宜有怒叶暖反

采葑孚容反采菲妃鬼反無以下體德音莫違及爾

同死叶想反

比也習習和舒也東風謂之谷風毛氏曰陰陽和而谷

至風音葑蔓音菁音也菲似音當音莖麤葉厚而長

有毛下體根也華谷嚴氏曰江南有菰江北有蔓菁相似而異春食留夏

食心秋食莖冬食根菲當類爾雅謂蔥菜河內謂筍菜三月中蒸為茹滑羹可作羹根如

指正白葑菲根莖皆可食而其根則有時而

美惡德音美譽也○婦人為夫所棄故作此

詩以叙其悲怨之情言陰陽和而後雨澤降

如夫婦和而後家道成故為夫婦者當黽勉

以同心

華谷嚴氏曰黽勉猶勉強也力所不堪心所不欲而勉強為之皆謂之黽

勉而不宜至於有怒又言采葑菲者不可以

其根之惡而棄其莖之義如為夫婦者不可

以其顏色之衰而棄其德音之善但德音之

不違則可以與爾同死矣

慶源輔氏曰上四句以陰陽之和比

夫婦之和下四句以葑菲根比婦人之色○

程子曰夫婦之道貴於有終德音義音也當期好音無違至於偕老

○行道遲遲中心有違不遠伊邇薄送我畿

祈音

誰謂荼

徒音

苦其甘如薺

沘音

宴爾新昏如兄如弟



待禮  
反

賦而比也遲遲徐行貌違相背也畿門內也

東萊呂氏曰韓詩云白石為門畿蓋門閭也韻會柶即閭字門極也即門限兩旁夾木

荼苦菜蓼屬也詳見良耜薺甘菜

本草曰薺味甘人取

其葉作菹及羹

宴樂也新昏夫所更娶之妻也○言

我之彼棄行於道路遲遲不進蓋其足欲前而心有所不忍如相背然而故夫之送我乃不遠而甚邇亦至其門內而止耳又言荼雖甚苦反甘如薺以比已之見棄其苦有甚於荼而其夫方且宴樂其新昏如兄如弟而不

見恤永嘉陳氏曰物莫苦於荼婦人見蓋婦

人從一而終今雖見棄猶有望夫之情厚之

至也安成劉氏曰此章上四句賦其望夫之意而及其夫之薄情下四句則比已之

甚苦而數其夫之方樂賦體與比體相繼成章後凡言賦而此者文意亦放此云

○涇以渭濁湜湜音殖其汙音止宴爾新昏不我屑

以毋逝我梁毋發我笱古口反我躬不閱遑恤我

後胡口反

比也涇渭二水名涇水出今原州百泉縣筭

頭山東南至永興軍高陵入渭渭水出渭州

渭源縣為鼠山至同州馮翊縣入河東萊呂氏曰詩



人多述土風此衛詩而遠引涇渭者蓋涇濁  
渭清天下所共知如云海賦河淡也○原州  
百泉縣今平涼府鎮原縣永興軍高陵今西  
安府高陵縣渭州渭源縣今平涼府渭源縣  
同州馮翊縣今西安府同州地並隸陝西  
潔以與逝之也梁堰音宴石障水而空音控其中  
以通魚之往來者也苟以竹為器而承梁之  
空以取魚者也閱容也○涇濁渭清然涇未  
屬渭之時雖濁而未甚見由二水既合而清  
濁益分然其別出之渚流或稍緩則猶有清  
處婦人以自比其容貌之衰久矣又以新昏  
形之益見憔悴然其心則固猶有可取者但

以故夫之安於新昏故不以我為潔而與之  
耳又言母逝我之梁母發我之笥以比欲戒  
新昏母居我之處母行我之事而又自思我  
身且不見容何暇恤我已去之後哉知不能  
禁而絕意之辭也慶源輔氏曰不忍遂棄其  
家事者仁也知其不能禁  
而絕意焉  
者知也

○就其深矣方之舟之就其淺矣泳之游之何  
有何亡黽勉求之凡民有喪匍音蒲匍音蒲救叶居  
充反之

興也方桴舟船也潜行曰泳浮水曰游

安成劉氏



曰詠與游今俗所謂迷與汨也匍匐手足並行急遽之甚也

孔氏曰匍匐本小兒未行之狀其盡力顛蹶似之故取名○婦人自陳其

治家勤勞之事言我隨事盡其心力而為之

深則方舟淺則泳游不計其有與亡而勉強

以求之孔氏曰隨水深淺期於必渡猶隨事難易期於必成不問貧富吾皆盡力

有亡方舟泳游以興勉求也又周睦其隣

里鄉黨莫不盡其道也慶源輔氏曰勤勞家

之所謂德音下章之所謂我德也婦人無外

事以勤家睦隣為德而已此可見其勤而不

怨  
○不我能愔許六反反以我為讎既阻我德賈音古

用不售

市救反叶市周反

昔育恐育鞠

居六反

及爾顛覆

芳服反

既生既育比予于毒

賦也惱養阻却鞠窮也○承上章言我於女

家勤勞如此而女既不我養而反以我為仇

讎惟其心既拒却我之善故雖勤勞如此而

不見取如賈之不見售也

程子曰凡人所以憎而不知其善者

由其心阻絕其善故也○

廣韻註曰售謂物出手也因念其昔時相與

為生惟恐其生理窮盡而及爾皆至於顛覆

今既遂其生矣乃反比我於毒而棄之乎張

子曰育恐謂生於恐懼之中育鞠謂生於困



窮之際亦通

三山李氏曰正所謂將恐將懼惟予與汝將安將樂汝轉棄予

是也○慶源輔氏曰或問昔育恐育鞠張子之說固善然推之下文及爾顛覆之云意不

甚實不若前說為順先生曰此姑存異義耳然舊說亦不甚明白也

○我有旨蓄

反勅六

亦以御

魚呂反下同

冬宴爾新昏

以我御窮有洗

音

有潰

戶對反

既詒我肄

羊至反

不

念昔者伊余來墜

興也旨義蓄聚御當也洗武貌潰怒色也

容齋

項氏曰洗水涌也其勇如水涌水之潰者其勢橫暴而四出故怒之盛者為潰

肄勞

墜息也○又言我之所以蓄聚義菜者蓋欲

以禦冬月之無之時至於春夏則不食之矣

安成劉氏曰古人場圃同地秋杪則築堅圃  
地為塲以納禾稼至來春又耕治之以種菜  
茹故蓄菜但以禦冬也今君子安於新昏而厭棄我是

但使我禦其窮苦之時至於安樂則棄之也

南豐曾氏曰人之於物得新可以捐故然厚  
者猶有所不忍夫婦義當偕老乃姑以禦窮

而已其薄又言於我極其武怒而盡遺我以

勤勞之事曾不念昔者我之來息時也追言

其始見君子之時接禮之厚怨之深也慶源輔氏

曰末二章又可見其怨而不怒

谷風六章章八句

朱子曰看詩義理外更

他只是如此說出來然而序得事曲折  
先後皆有次序而今費盡氣力去做後



尚做得不好。○慶源輔氏曰：觀此一詩，比物連類，因事興詞，條理秩然，有序勤而不怨，怨而不怒，玩而味之，可謂賢婦人矣。而見棄於夫者，亦獨何哉？○豐城朱氏曰：谷風雖棄婦所作，而觀其自叙有治家之勤，有睦隣之善，有安貧之志，有周急之義，皆其節之可取者也。至於見棄矣，而拳拳忠厚之意，猶藹然溢於言辭之表，則是初無可棄之罪也。徒以其夫之安於新昏，不以為潔而棄之耳。然其言之有序，而不迫如此，殆庶幾乎夫子所謂可與怨者矣。

式微式微胡不歸微君之故胡為乎中露

賦也式微語辭微猶衰也再言之者言衰之

甚也

鄭氏曰：微乎微者也。○華陽范氏曰：諸侯失國而寄於他國之邑，微莫甚焉。故

郭璞註云

言至微也。微猶非也。二。安成劉氏曰：此章微字義不同。

中露

露中也言有霑濡之辱而無所庇覆音阜也○

舊說以為黎侯失國而寓於衛釋文曰杜預云黎在上黨

壺關縣○鄭氏曰寓寄也黎侯為狄人所逐棄其國而寄於衛其臣勸之曰

衰微甚矣何不歸哉我若非以君之故則亦

胡為而辱於此哉孔氏曰主憂臣勞主辱臣死固當不憚淹恤今言我

若無君何為處此者自言已勞以勸君歸也

○式微式微胡不歸微君之躬胡為乎泥中

賦也泥中言有陷溺之難而不見拯救也

式微二章章四句

此無所考姑從序說問式微詩以為勸邪戒邪朱子曰亦



不必如此看只是隨他當時所作之意  
如此可見得有羈旅狼狽之君如此而

方伯連帥無救恤之意○新安胡氏曰  
補傳云以詩作於衛地故編之衛風

旄丘之葛

叶居  
謁反

兮何誕

徒旱  
反

之節兮叔兮伯

叶音

逼兮何多日也

興也前高後下曰旄丘誕闊也叔伯衛之諸

臣也

疊山謝氏曰  
叔伯字也

○舊說黎之臣子自言久

寓於衛時物變矣故登旄丘之上見其葛長

大而節踈闊因託以起興曰旄丘之葛何其

節之闊也衛之諸臣何其多日而不見救也

東萊呂氏曰葛始生其節蹙而密既長其節  
闊而踈黎人見葛之長感時之久而衛猶未

見救爾

此詩本責衛君而但斥其臣可見其優

柔而不迫也

慶源輔氏曰本責衛君而但斥其臣望之雖切而其辭益緩真

可見其溫柔寬厚之情也

○何其處也必有與也何其久也必有以

也

賦也處安處也與與國也以他故也○因上

章何多日也而言何其安處而不來意必有

與國相俟而俱來耳又言何其久而不來意

其或有他故而不得來耳詩之曲盡人情如

此



○狐裘蒙戎匪車不東叔兮伯兮靡所與同

賦也大夫狐蒼裘蒙戎亂貌言弊也○又自言客久而裘弊矣豈我之車不東告於女乎但叔兮伯兮不與我同心雖往告之而不肯來耳至是始微諷切之或曰狐裘蒙戎指衛大夫而譏其憤音會亂之意匪車不東言非其車不肯東來救我也但其人不肯與俱來耳

今按黎國在衛西前說近是

○

瑣

素果反

兮尾兮流離之子

叶獎里反

叔兮伯兮裋

由救反

如充耳

賦也。瑣細尾末也。流離漂散也。褒多笑貌。充耳塞耳也。耳聾之人恒多笑。○言黎之君臣流離瑣尾若此其可憐也。而衛之諸臣褒然如塞耳而無聞何哉。至是然後盡其辭焉。流離患難之餘。而其言之有序而不迫如此。其人亦可知矣。慶源輔氏曰：褒如充耳，責之也。自緩而疑，自疑而諷，自諷而責。是皆性情之正也。

### 旄丘四章章四句

說同上篇

須溪劉氏曰：一章何多日也，未有意也。二章必有

與也。必有以也。有望於衛，未怨也。三章靡所與同，微怨也。四章褒如充耳，不能



不怨也。○眉山蘇氏曰：諸侯雖異國而相為救者，黎亡則衛及矣。奈何靡所與同哉？蓋時衛在河北，黎衛壤地相接，故狄之為患，黎衛共之。○三山李氏曰：衛不救黎，非惟失睦，乃四隣之道抑亦唇亡齒寒矣。其後衛為狄所滅，齊侯以管仲之言而救之，觀衛之德齊為最深，則知黎之怨衛為最切。○黃氏曰：衛失國而齊救之，黎失國而衛不救，此齊之所以伯而衛之所以不振也。

簡兮簡兮方將萬舞日之方中在前上處

賦也簡簡易不恭之意萬者舞之總名武用

千戚文用羽籥也

東萊呂氏曰：萬舞二舞之總名，千舞者武舞之別名。

籥舞者文舞之別名也。文舞又謂之羽舞。○安成劉氏曰：千盾也。戚斧也。羽籥此詩三章所言者是也。皆舞者所執之物。日之方中在前上處言當明

顯之處○賢者不得志而仕於伶官鄭氏曰

掌樂官而善焉故後有輕世肆志之心焉故

其言如此須溪劉氏曰簡兮簡兮坦坦施施

若自譽而實自嘲也慶源輔氏曰此章既自

為碩人只此便可見其為不恭也當明顯之

慶公燕為此而不以為辱亦是不恭之意與

次章所謂公庭萬舞同先生謂其

若自譽而實自嘲者深得其旨也

組音

碩人俟俟疑矩公庭萬舞有力如虎執轡如

賦也碩大也俟俟大貌轡今之韁也組織絲

為之言其柔也御能使馬則轡柔如組矣○



又自譽其才之無所不備亦上章之意也

安成

劉氏曰既能樂舞又善御馬亦若上章之自譽而實自嘲也

○左手執籥

餘若反

右手秉翟

亭歷反叶直角反

赫如渥

於角反

赭

音者叶略反

公言錫爵

賦也執籥秉翟者文舞也籥如笛而六孔或

曰三孔

釋文曰以竹為籥長二尺執之以舞郭璞云似笛而小

翟雉羽

也赫赤貌渥厚漬也

孔氏曰渥者浸潤之名信南山曰既優既渥是

也言漬之久厚而有光澤故以喻顏色之潤

赭赤色也言其顏色

之充盛也公言錫爵即儀禮燕飲而獻工之

禮也

燕禮主人洗升獻工工不興一人拜受爵○廬陵李氏曰詩錫爵謂此獻工之

也禮以碩人而得此則亦辱矣程子曰錫之道爵勞賤者之道

乃反以其賚予音與之親洽為榮而誇美之亦

玩世不恭之意也慶源輔氏曰前已言其輕世肆焉故不恭也知其世之不可與有為故輕

不恭之意何也曰意唯輕之是以玩之志惟

肆焉故不恭也知其世之不可與有為故輕

玩之志惟肆焉故不恭也知其世之不可與有為故輕

其所不足誇而反誇之是皆不恭之意也

○山有榛反側也隰有苓音零云誰之思西方美人

彼美人兮西方之人兮

興也安成劉氏曰楚詞湘夫人歌曰沅有芷兮禮有蘭思公子兮未敢言越人歌曰

山有木兮木有枝心悅君兮君不知秋風辭

曰蘭有秀兮菊有芳懷佳人兮不能忘皆與

此章起興之例同故朱子榛似栗而小下濕

嘗曰知此則知興體矣



曰隰苓一名大苦葉似地黄即今甘草也西

方義人託言以指西周之盛王如離騷亦以

義人目其君也

離騷經曰恐美人之遲暮集註云言義好之婦人蓋託辭

而寄意於君也

又曰西方之人者歎其遠而不得見

之辭也○賢者不得志於衰世之下國而思

盛際之顯王故其言如此而意遠矣

竹房張氏曰榛

之實甘義而山有之苓之莖甘義而隰有之以興為人之君而義好者惟西周有之所以思之者其人也思之而不見之故重歎之而思之深也此蓋伶官碩人之辭其詞甚婉而實諷衛國之無賢君也然思盛世之聖明而不責衰世之幽厲此詩人之忠厚也

簡兮四章三章章四句一章六句

舊三章章六句今改定○張子曰為祿

仕而抱關擊柝則猶恭其職也為伶官

則雜於侏儒俳優之間不恭甚矣其得

謂之賢者雖其迹如此而其中固有以

過人又能卷而懷之是亦可以為賢矣

東方朔似之問如張子之說是固可以為賢然以聖賢出處律之

恐未可以為盡善朱子曰古之伶官亦非甚賤其所執者猶是先王之正樂故

獻工之禮亦與之交酢但賢者而為此則自不得志耳○慶源輔氏曰朔之所

以自譽者皆所以自嘲其恢諧類俳優正與此詩之意相似○三山李氏曰伶

官者賤役耳今以賢人為之正猶君子陽陽之詩序言君子遭亂相招為祿仕



全身遠害屈  
於賤役也

悲

悲位反

彼泉水亦流于淇有懷于衛靡日不思

齊

叶新反

變

力轉反

彼諸姬聊與之謀

叶謨悲反

興也悲泉始出之貌泉水即今衛州共音恭城

之百泉也淇水出相

去聲

州林慮

音間

縣相州林慮縣今

河南彰德府林縣

東流泉水自西北而東南來注之

孔氏曰邶鄘衛三國境地相連故邶云亦流于淇鄘云送我乎淇之上矣衛云瞻彼淇奧

之類皆言淇也變好貌諸姬謂姪娣也○衛女嫁於

諸侯父母終思歸寧而不得故作此詩言悲

然之泉水亦流於淇矣我之有懷於衛則亦

無日而不思矣是以即諸姬而與之謀為歸

衛之計如下兩章之云也慶源輔氏曰讀首章四句便可見其

思歸之心蓋與泉永日流於衛而不息此是興體中說得好者極好玩味凡人之情營私

背公故不詢謀惟恐人之或知也衛女思歸博謀於諸姬而無所隱則其情之正大可知

矣

○出宿于沛子禮反飲餞音踐于彌乃禮反女子有行

遠于萬反父母兄弟待禮反問我諸姑遂及伯姊葉獎

及禮反

賦也沛地名飲餞者古之行者必有祖道之

祭祭畢處者送之飲於其側而後行也孔氏曰所



以祖祭者重已方有事於道故祭道之神也  
輒祭又名祖聘禮及詩云出祖是也又名道  
會子問云道而出是也皆先較而飲  
餞乃出宿者見飲餞為出宿而設  
彌亦地

名皆自衛來時所經之處也諸姑伯姊即所

謂諸姬也

安成劉氏曰夫人之嫁必有姪婦  
二人為媵而同姓二國往媵之亦

有姪婦皆謂之媵凡八人集傳以此詩為夫  
人作而以諸姬為姪婦又謂諸姑伯姊即諸  
姬然則八人之中亦有

是夫人姑姊輩行者乎

○言始嫁來時則固

已遠其父母兄弟矣況今父母既終而復可  
歸哉是以問於諸姑伯姊而謀其可否云耳  
鄭氏曰國君夫人父母在則歸寧沒則使大  
夫寧於兄弟

○出宿于干

叶居焉反

飲餞于言載脂載牽

叶胡瞎反

反

還

音旋

車言邁邁

市專反

臻于衛

此字本與邁害叶今讀誤

不

瑕有害

賦也干言地名適衛所經之地也

隋志邢州內丘縣有

干山言山

脂以脂膏塗其牽使滑澤也牽車軸也

不駕則脫之設之而後行也

釋文曰牽車軸頭金○華谷嚴

氏曰載脂謂先以脂塗其牽其用在脂故曰載脂載牽謂塗畢乃設牽於車其用在牽故

曰載牽

還回旋也旋其嫁來之車也邁疾臻至

也瑕何古音相近通用○言如是則其至衛

疾矣然豈不害於義理乎疑之而不敢遂之



辭也

○我思肥泉茲之永歎

叶宅

思須與漕

叶徂

我

心悠悠駕言出遊以寫我憂

賦也肥泉水名須漕衛邑也悠悠思之長也

寫除也○既不敢歸然其思衛地不能忘也

安得出遊於彼而寫其憂哉

鄭氏曰肥泉自衛而來所經邑故又

故思此而長歎須漕自衛而來所得故欲出遊

于國以寫其憂否朱子曰夫人之遊亦不可

輕出只是思游於彼地耳○慶源輔氏曰思

歸寧者思之正也謀及姪娣謀之正也恐害

義理而卒於不歸事之正也始終一出於正

雖賢士且難

之况婦人乎

泉水四章章六句

楊氏曰衛女思歸發乎情也其卒也不  
歸止乎禮義也聖人著之於經以示後  
世使知適異國者父母終無歸寧之義  
則能自克者知所處矣新安胡氏曰一  
章新託泉水起興  
而謀於諸姬也二章述初嫁時宿餞衛  
郊既遠父母今父母終而欲歸故以問  
諸姑伯姊何如耳三章又欲效初嫁時  
宿餞于所嫁國之干言脂牽歸衛第未  
知有害於義理乎此正謀諸姬之語也  
四章既不可歸於是但思肥泉思須漕  
以重衛國悠悠之景慕欲往遊以寫憂  
而己所謂發乎情止乎禮義者也○止  
齋陳氏曰泉水竹竿歷道欲歸之  
意終篇唯欲



出遊以驅吾愁思而巳所謂止乎禮義  
載馳之詩其歸尤急末章無有愧止之  
辭蓋泉永竹竿作於無事之時故其辭  
緩以宛載馳賦於故國已亡之日故其  
辭切以怨夫既曰豐城朱氏曰禮緣人  
情而為之也夫既曰緣人情而為之則  
其本根也何兄弟其不同氣也皆人情  
可忘者而何為其不同氣也皆人情也  
入情有出於天理之公者有出於人欲  
之私者聖人制禮將以全夫天理之正  
而節其不欲之流也據禮女子已嫁而  
反兄弟不與同席而坐不與同器而坐  
所以厚別也則閨門之內所可同坐而  
共食者唯母姑姊妹耳使父母歿而歸  
寧則誰與同坐誰與共食而孰為之主  
乎聖人於此寧以義斷恩不以恩揜義  
故制為父毋終不得歸寧之禮所以存  
天理而遏人欲也以此為防猶有禽獸  
其行如齊襄魯桓夫入之所為者然後  
知聖人制禮真可謂萬世無弊者矣

出自北門

叶眉貧反

憂心殷殷終窶

其窶反

且貧莫知

我艱

叶居銀反

已焉哉

叶將其反下同

天實為之謂之何哉

比也北門背陽向陰殷殷憂也窶者貧而無

以為禮也

孔氏曰窶謂無財可以自給然二者皆無財之事故爾雅貧窶通也○三山李氏曰兼言之以見貧之甚也

○衛之賢者

處亂世事暗君不得其志故因出北門而賦

以自比

比問只作賦說如何朱子曰當作賦而

有北意思○孔氏曰言出自北門而後作此詩亦而行猶居亂世向暗君而仕也○張子曰偶

出北門因

又歎其貧窶人莫知之而歸之於

天也

孔氏曰我之困苦天實為之使我遭此君知復奈何哉君臣道不合則去今無



去心忠之至也。○鄭氏曰：詩人「事君無二志」，故自決歸之於天。○慶源輔氏曰：終者已焉之辭，蓋自以為無復有望也。故歎之曰：「已焉哉！」天實為之，謂之何哉？此蓋知其無可奈何而歸之天也。是亦所謂幾乎情止乎禮義者也。

○王事適我政事一埤避支反益我我入自外室

人交徧謫知革反叶竹棘反我已焉哉天實為之謂之

何哉

賦也。王事，王命使為之事也。適之也。政事，其國之政事也。一猶皆也。埤，厚室家謫責也。○王事既適我矣，政事又一切以埤益我，其勞如此而窶貧又甚，室人至無以自安而交徧

謫我則其困於內外極矣孔氏曰言非直己

已我自外而歸則室家之人更迭而徧來責

我外為君所困內為家人不知故又自決歸

之於天○華陽范氏曰關雎之化行則婦人

能閱其君子至於衰世則室家日見而有不

知其心者

○王事敦叶都我政事一埤遺唯季反叶我我

入自外室人交徧摧徂回我已焉哉天實為之

謂之何哉

賦也敦猶投擲也遺加摧沮也鄭氏曰推者

慶源輔氏曰推謂摧折

沮抑之又甚於謫也

北門三章章七句



楊氏曰忠信重祿所以勸士也衛之忠  
臣至於窶貧而莫知其艱則無勸士之  
道矣仕之所以不得志也先王視臣如  
手足豈有以事投遺之而不知其艱哉  
然不擇事而安之無懟憾之辭知其無  
可奈何而歸之於天所以為忠臣也山疊  
謝氏曰鹿鳴四牡之燕樂出車扶杜之  
功君無不報此先王所以體羣臣也千  
歲治安根本蓋在此也北門之忠臣至  
於終窶且貧祿不足也代耕矣出則當  
王事之獨勞入則當政事之煩使室人  
不能忍飢寒而交徧謫之此人情所難  
堪者上不怨其君下不怨其家窮而呼

天亦無一毫怨夫之辭此樂天知命之士也有臣如此而不能忠信重祿以勸之衛之所以亡也○慶源輔氏曰楊氏之說其論君臣之道備矣而衛之忠臣則慶其變而不失其道者也

北風其涼雨

反于付

雪其雱

反普康

惠而好

下呼報反

我攜手同行

叶戶郎反

其虛其邪

下音徐

既亟只

下音紙

且

下子餘反

比也北風寒涼之風也涼寒氣也雱雪盛貌

惠愛行去也虛寬貌邪一作徐緩也

釋文曰爾雅作

徐亟急也只且語助辭○言北風雨雪以比

國家危亂將至而氣象愁慘也故欲與其相



好之人去而避之且曰是尚可以寬徐乎彼

其禍亂之迫已甚而去不可不速矣慶源輔氏曰惠

而好我攜手同行不忘故舊之仁也其

虛其邪既亟只且見幾而作之智也

○北風其喈音皆叶雨雪其霏反惠而好我

攜手同歸其虛其邪既亟只且

比也喈疾聲也霏雨雪分散之狀疊山謝氏曰北風怒

而有聲不止於涼矣雨雪霏霏而歸者去而

不反之辭也

○莫赤匪狐莫黑匪烏惠而好我攜手同車其

虛其邪既亟只且

比也孤獸名似犬黃赤色烏鴉黑色皆不祥

之物人所惡見者也所見無非此物則國將

危亂可知但問孤與鳥不知此何物朱子曰不

好所見者無非不同行同歸猶賤者也同車則

貴者亦去矣疊山謝氏曰一章曰同車一節急一

節風人之法度也○慶源輔氏曰國家將亡

觀其氣象愁慘如北風雨雪之寒涼目所見

者無非赤狐烏鴉不祥之物亦非有先

見者不能然也作此詩者其賢可知矣

北風三章章六句

安成劉氏曰詩中有同

者所作其虛其邪既亟只且三章三言

之豈果於忘君哉蓋見幾而作不俟終

日若國已危則無可去之義矣



靜女其姝反赤朱俟我於城隅愛而不見搔反蘇力

首跣反直知躡反直誅

賦也靜者閒雅之意姝美色也城隅幽僻之

處不見者期而不至也跣躡猶躑躅音擲觸

貌也此淫奔期會之詩也問淫奔之人方相

閒雅朱子曰淫奔之人不知其為可醜但見

其可愛耳以女而俟入於城隅安得謂之閒

雅而此曰靜女者猶所謂德音無良也無良

則不足以為德音矣而曰德音亦愛之之辭

也○廬陵歐陽氏曰衛俗淫亂幽靜難誘之女且然則其他可知

○靜女其變貽我彤管徒冬彤管有煒于

說反懌音懌音女美

賦也變好貌於是則見之矣彤管未詳何物

廬陵歐陽氏曰古者鐵筆皆有管樂器亦有管不知此管是何物但彤是色之義者鐵與

針同蓋相贈以結殷勤之意耳煒赤貌言既得

此物而又悅懌此女之義也

○自牧歸荄

徒弓徒計二反

洵義且異

夷曳二音

匪女

音彼之

為義義人之貽

與異同

賦也牧外野也歸亦貽也荄茅之始生者洵

信也女指荄而言也○言靜女又贈我以荄

而其荄亦義且異然非此荄之為義特以義

人之所贈故其物亦義耳

東陽許氏曰首言城隅未言自牧蓋



不特俟於城隅抑  
且相逐於野矣

# 靜女三章章四句

新臺有泚

此禮反

河水瀰瀰

莫通反

燕婉之求

音藁

籐

除音

不鮮

斯淺反

想止反

賦也泚鮮明也

新安胡氏曰泚曰洒皆從水義

臺在河上

盛也燕安婉順也籐籐不能俯疾之醜者也

蓋籐籐本竹席之名人或編以為困其狀如

人之擁腫而不能俯者故又因以名此疾也

鮮少也○舊說以為衛宣公為其子伋娶於

齊而聞其美欲自娶之乃作新臺於河上而

要音腰之國人惡之而作此詩以刺之言齊女

本求與伋為燕婉之好而反得宣公醜惡之

人也孔氏曰宣公晉桓公子○三山李氏曰新臺臨河今澶州遺址尚存○疊山謝

氏曰蘧蔭乃惡疾宣公非有此疾國人惡其無禮義亂人倫故以惡疾比之既無人道亦

非人形也

○新臺有洒七罪反叶河水浼浼每罪反叶燕

婉之求蘧蔭不殄

賦也洒高峻也浼浼平也殄絕也言其病不

已也

○魚網之設鴻則離之燕婉之求得此戚施



與也鴻鴈之大者離麗也戚施不能仰亦醜

疾也

東萊呂氏曰國人惡宣公而以惡疾指之不能俯者簠簠之疾證不能仰者戚

施之疾證非於此取義也

○言設魚網而反得鴻以興求

燕婉而反得醜疾之人所得非所求也

南豐曾氏

曰簠簠戚施皆惡疾之人不能為人者也宣公之行非復人理尚可謂之人歟燕婉之求

而得此匪人深惡之之聲也

### 新臺三章章四句

凡宣姜事首末見春秋傳然於詩則皆

未有考也諸篇放此

三山李氏曰聖人存此以垂戒後世

宜懲其轍而乃有踵其惡者楚平王納太子建妻唐明皇納壽王妃此三君者

其惡一也其後宣公之子伋壽皆為所殺惠公奔齊子懿為狄所滅楚平王有鞭尸之禍唐明皇身竄西蜀幾失天下則知淫亂之禍其報如此可不戒哉○  
安成劉氏曰宣姜事首末見左氏傳桓公十六年及閔公二年

二子乘舟汎汎反芳其景叶舉願言思子中心兩反

養養反以兩

賦也二子謂伋壽也乘舟渡河如齊也景古

影字葛洪始加養養猶漾漾憂不知所定之

貌○舊說以為宣公納伋之妻是為宣姜生

壽及朔朔與宣姜愬伋於公公令伋之齊使

賊先待於隘而殺之壽知之以告伋伋曰君



命也不可以逃壽竊其節而先往賊殺之役  
至曰君命殺我壽有何罪賊又殺之國人傷  
之而作是詩也眉山蘇氏曰國人傷其往而不返沉沉然徒見其影故救  
之不可得是以思之養養然

○二子乘舟沉沉其逝

此字本與害叶今讀誤

願言思子

不瑕有害

賦也逝往也不瑕疑辭義見泉水此則見其

不歸而疑之也

慶源輔氏曰字義雖與泉水同泉水所謂害者害於義也

此所謂害者害其身而已故先生謂此則見其不歸而疑之辭蓋不忍正言其死且為君諱也○定字陳氏曰二子之死明矣猶為疑辭而不盡言以彰君惡詩人之厚也

二子乘舟二章章四句

太史公曰余讀世家言至於宣公之子

以婦見誅弟壽爭死以相讓此與晉太

子申生不敢明驪姬之過同俱惡傷父

之志然卒死亡何其悲也或父子相殺

兄弟相戮亦獨何哉朱子曰太史公之言有所抑揚謂三

人皆惡傷父志而終於死其情則可

取雖於理為未當然視夫父子相殺兄

弟相戮者則大相遠矣又曰彼當逃避

使宣公無殺子之事不陷於惡乃為得

禮如不忍去而死之尚可也壽無救於

兄而重父之過其死也亦何為乎但國

人憐而哀之故聖人錄國人之情著宣

公之過亦以見二子事親之道有未盡



也舜之事瞽瞍烝烝又不得欲使之  
未嘗不在側索而殺之未嘗可  
之所以為法於天下也。慶源輔氏曰  
二子處此亦不得為是而夫子取此詩  
者所以著宣公志行之惡而先其禍至  
如史公之酷以為萬世戒爾故先生嘗謂  
太史公之酷意然其言有抑揚可以感  
發人故取之非便以二子所處為是也  
○豐城朱氏曰宣公納子之妻以為妻  
則夫婦之倫滅矣因宣姜而殺二子則  
父子之倫滅矣夫而不夫父而不父則  
君之道以之而不立而君臣之倫亦廢  
春秋以來三綱廢九法斁未有甚  
於此時者也其卒胥為夷也宜哉

邶十九篇七十二章三百六十三句

安成劉氏曰衛三十九篇而邶風  
十有九然觀綠衣則妾僭嫡矣燕燕  
則臣弑君矣矣谷風則夫婦之道乖  
臺則男女之倫滅二子棄舟則父子

之思絕旄丘則無恤隣之義簡兮則  
無尊賢之心北門則失勸士之道亂  
常敗政莫甚於此所以居變風之首  
歟於呼渡河野處已兆矣不待讀定  
之方中而  
后知也

詩傳大全卷之二



詩傳大全卷之三

鄘一之四

說見上篇

汎彼柏舟在彼中河髦

徒坎反

彼兩髦

音毛

實維我

儀

叶牛何反

之死矢靡他

湯河反

毋也天

叶鐵因反

只

音紙下同

不諒人只

興也中河中於河也髦髮垂貌兩髦者翦髮

夾白

音信廣韻註曰頭會腦蓋也

子事父母之飾親死然

後去之此蓋指共伯也

孔氏曰夾白故兩髦也士既殯而脫髦諸

侯小斂則脫之若父母有先死者於死三日脫之服闋又著之共伯僖侯世子名餘共謚

伯字以未成君故不稱爵○容齋項氏曰內則註云髦象幼時髦兒生三月翦髮為髦男角女羈夾白曰角兩髦也午達曰羈三髦也又曰髦者以髮作偽髦垂兩眉之上如今小兒用一帶連雙髦橫額上是也髦音朵我共姜自我也釋文曰共伯之妻也婦人從儀匹之至矢誓靡無也只語助夫謚姜姓也辭諒信也○舊說以為衛世子共伯蚤死其妻共姜守義父母欲奪而嫁之故共姜作此以自誓言柏舟則在彼中河兩髦則實我之匹雖至於死誓無他心毋之於我覆育之恩如天罔極而何其不諒我之心乎不及父者疑時獨母在或非父意耳慶源輔氏曰實維我匹一定而決不



可易也之死矢靡他雖死而誓不敢易也夫  
母之欲嫁共姜想亦不過是惑於愛而慮其  
終耳今味共姜自誓之言其至誠貞固  
之意如此則母之惑可解而慮可釋矣

○汎彼柏舟在彼河側髡彼兩髦實維我特之

死矢靡慝他得反母也天只不諒人只

興也特亦匹也朱子曰特有孤特之義而以為匹者古人用字多如此猶

治之謂慝邪也以是為慝則其絕之甚矣

柏舟二章章七句華陽范氏曰衰亂之世淫風大行共姜得禮之

正而能守義故以首鄘風也○孔叢子曰於柏舟見匹婦執志之不可易也○

或問有孤孀貧窮無託者可再嫁否程子曰只是後世怕寒餓死故有是說然

餓死事極小失節事極大○西山真氏曰柏舟之不再適蓋婦人之大節故孔

子列之使萬世取法焉程子之論可為後世深戒○定宇陳氏曰衛之淫風流之行而有共姜特立之節真可謂過人欲之橫流矣讀此詩者豈不可以感發人之心乎

牆有茨不可掃

叶徒反

也中冓

反古候

之言不可道

厚反

也所可道也言之醜也

與也茨蒺藜也蔓生細葉子有三角刺人

草本

曰一名即藜註云子有刺狀如菱而小軍家鑄鐵作之以布敵路亦呼蒺藜

中冓

謂舍之交積材木也

東萊呂氏曰前漢梁王共傳應劭註云中冓材

構在堂之中也顏師古云構謂舍之交積材木也當從應顏說蓋閭內隱奧之處也中冓

之言著曰閨門之言也

道言醜惡也○舊說以為宣公



辛惠公幼其庶兄頊烝於宣姜

孔氏曰左傳閔公二年曰

初惠公之即位也少齊人使昭伯烝於宣姜不可強之生齊子戴公文公宋桓許穆夫人服虔云昭伯宣公之長庶故詩人作此詩以

刺之言其閨中之事皆醜惡而不可言理或然也

○牆有茨不可襄也中冓之言不可詳也所可詳也言之長也

與也襄除也詳詳言之也言之長者不欲言而託以語長難竟也

○牆有茨不可束也中冓之言不可讀也所可

讀也言之辱也

興也東東而去之也讀誦言也辱猶醜也

牆有茨三章章六句

楊氏曰公子頑通乎君母閨中之言至不可讀其汙甚矣聖人何取焉而著之於經也蓋自古淫亂之君自以為密於閨門之中世無得而知者故自肆而不反聖人所以著之於經使後世為惡者知雖閨中之言亦無隱而不彰也其為訓戒深矣

慶源輔氏曰楊氏之說蓋不獨為此篇數凡聖人所錄淫



亂之詩其意皆如逸志者也○先生所謂惡者  
可以懲創人之妻也一失身於宣公而  
日宣姜本役之妻也失身於公頤而為  
為新臺之有恥無失身於公頤而為  
中葬之不可道蓋由其節義虧缺於前  
是以無所顧藉於後甘以其身處於汙  
穢而不辭則亦無復  
羞愧悔悟之萌矣

君子偕老副笄六珈

音加叶居河反

委委

於危反

佗佗

待河

反

如山如河象服是宜

叶牛何反

子之不淑云如之

何

賦也君子夫也偕老言偕生而偕死也女子  
之生以身事人則當與之同生與之同死故  
夫死稱未亡人言亦待死而已不當復有他

適之志也副祭服之首飾編篇上聲髮為之

孔氏曰副之言覆所以覆首為之飾編列他髮為之假作紒形加於首上服之以從祭純

暑笄音衡笄也孔氏曰衡笄之以至為之垂于副之兩旁

當耳其下以紃音黠懸瑱廬陵羅氏曰紃織如條上屬於衡者瑱以

王為之以纁縛之而屬於紃玼之言加也以縣之當耳縛音篆同卷也

王加於笄而為飾也孔氏曰必委委佗佗雍

容自得之貌如山安重也如河弘廣也象服

法度之服也淑善也○言夫人當與君子偕

老故其服飾之盛如此而雍容自得安重寬

廣又有以宜其象服毛氏曰能與君子偕老乃宜居尊位而服盛服



也 今宣姜之不善乃如此雖有是服亦將如

之何哉言不稱也

○此音玼此音号此音玼号其之翟叶去聲也真忍反鬢如雲

不屑先結反鬣徒帝反也王之瑱吐殿反也象之掃帝勅反

也揚且反子餘反之哲星曆反也胡然而天也

胡然而帝也

賦也玼鮮盛貌翟衣祭服刻繒為翟雉之形

而彩畫之以為飾也孔氏曰翟雉名彩畫為飾不用真羽○華谷嚴

氏曰鄭氏云江淮而西青簣五色皆備成章曰綸綸翟則畫綸雉衛侯爵夫人服綸翟

鬢黑也如雲言多而美也屑潔也鬣音被髮

也人少髮則以髦益之髮自美則不潔於髦

而用之也瑱塞耳也象象骨也掃所以摘音剔

髮也華谷嚴氏曰掃所以摘髮若今之篦兒也揚眉上廣也且語

助辭皙白也胡然而天胡然而帝言其服飾

容貌之美見者驚猶鬼神也慶源輔氏曰其者指宣姜而言

玼兮玼兮其之翟也言服之美也鬢髮如雲

也王之瑱也象之掃也言飾之美也無待於外

皙也言色之美也服飾容貌之美盛如天如

帝然豈可以徒居哉○瑤七我兮瑤兮其之展陟戰反也蒙彼縕

側救反締是紕息列反袞薄慢反也子之清揚揚



且之顏叶魚堅反也展如之人兮邦之媛于眷反叶

也

賦也瑤亦鮮盛貌展衣也以禮見音現於君及

見賓客之服也毛氏曰展衣以丹縠為衣○鄭氏曰展衣宜白禮記作襜

蒙覆音阜也綳締締之蹙蹙者當暑之服也

孔氏曰篇之精者曰締其精尤細靡者綳也言細而縷綳紕袷束縛意以

展衣蒙締綌而為之紕袷所以自斂飭音勅也

或曰蒙謂加締綌於襲衣之上所謂表而出

之也朱子曰先著裏衣表締綌而出之於外欲其不見體也清視清明

也揚眉上廣也孔氏曰以目視清明因名為清揚者眉上之羨名因謂眉

上眉下皆曰揚目上目下皆曰清故野有蔓草傳云清揚眉目之間猗嗟傳云目下為清  
顏額角豐滿也展誠也美女曰媛見其徒有美色而無人君之德也

君子偕老三章一章七句一章九句一章八句

東萊呂氏曰首章之末云子之不淑云如之何責之也二章之末云胡然而天也胡然而帝也問之也三章之末云展如之人兮邦之媛也惜之也辭益婉而

意益深矣

慶源輔氏曰凡人之責人辭愈多則氣愈暴氣愈暴則辭



愈厲此則志不帥氣而氣反動其志者也  
愈緩而辭愈和此則數乎情止乎禮義  
也且心有所忿懣則不得其正如此詩  
之辭益婉而意益深則心不至於失其  
正矣東萊先生責之問之惜之三字說  
盡詩意極好玩味○華谷嚴氏曰此詩  
唯述夫人服飾之盛容貌之尊不及淫  
亂之事但中間有子之不淑一語而譏  
刺之意盡見○安成劉氏曰三章皆極  
言宣姜服飾容貌之盛如此玩其辭想  
其人有德以稱之固足以導其瞻視享  
其安榮苟無其德不幾於誨淫者乎惟  
詩人寬厚意在言外故其立言如此蓋  
與猗嗟之詩同意

爰采唐矣

沫

妹音

之鄉矣

云誰之思

美孟姜

矣期

我乎桑中

良叶諸

要

反於

遙

我乎上宮

王叶居

送

我乎

淇之上叶辰反矣

賦也唐蒙菜也一名鬼絲孔氏曰釋草云唐蒙名女蘿女蘿名

兔絲則唐與蒙或并或別故經直言唐而毛傳言唐蒙也○本草曰生田野蔓延草木之

上沫衛邑也書所謂妹邦者也孔氏曰酒誥註妹邦紂所

都朝歌即沫也孟長也姜齊女言貴族也桑中上官

淇上又沫鄉之中小地名也要猶迎也○衛

俗淫亂世族在位相竊妻妾故此人自言將

采唐於沫而與其所思之人相期會迎送如

此也

○爰采麥叶訖反矣沫之北矣云誰之思姜孟弋



矣期我乎桑中要我乎上宮送我乎淇之上矣

賦也麥穀名秋種夏熟者白虎通曰麥金也

死弋春秋或作姒春秋定姒公蓋杞女夏后

氏之後亦貴族也

○爰采葑矣沫之東矣云誰之思美孟庸矣期我乎桑中要我乎上宮送我乎淇之上矣

賦也葑蔓菁也庸未聞疑亦貴族也長樂劉氏曰采

唐麥葑者欲適幽遠行其淫亂不敢正名而

託以采此也○安成劉氏曰孟姜孟弋孟庸亦託言貴族以指所私之人非

桑中三章章七句

樂記曰鄭衛之音亂世之音也比於慢

矣比去聲猶同也桑間濮上之音亡國之音也

其政散其民流誣上行私而不可止也

慶源輔氏曰誣上只是欺謾其上之人

大抵行私者皆有此心桑中之詩雖肆

言無忌然誣上行私之心自在此皆緣

民情流蕩無所限節之故民情苟有政事

此則又因政散之故上之人苟有政事

則何至於此○鄭氏曰濮水之上地有

桑間者亡國之音於此水出也昔殷紂  
使師延作靡靡之樂已而自沈於濮水  
後師涓過焉夜聞而寫之按桑間即此  
為晉平公鼓之是之謂也  
篇故小序亦用樂記之語朱子成劉氏曰  
即此桑中詩而証以樂記之語然則鄭  
氏謂師涓所聞者自是濮上之音也



鷦音純之奔奔鷦之疆疆音姜人之無良我以為兄

王叶反虛

與也鷦鷦

音諳屬

本草曰鷦初生謂之羅鷦至初秋謂之早秋中秋以後謂

之白唐一物四名也

奔奔疆疆居有常匹飛則相隨之

貌人謂公子頌良善也○衛人刺宣姜與頌

求匹耦而相從也故為惠公之言以刺之曰

人之無良鷦鷦之不若而我反以為兄何哉

孔氏曰言鷦則鷦自相隨奔奔然鷦則鷦自相隨疆疆然各有常匹不亂其類今宣姜為

母須則為子而與之淫亂曾鷦鷦之不如而我反以為兄也哉

○鷦之疆疆鷦之奔奔

叶通

人之無良我以為

君

興也人謂宣姜君小君也

孔氏曰夫人對君稱小君以夫妻一

體言之亦得曰君襄公九年左傳筮穆姜曰君必速出是也○慶源輔氏曰詩人疾惡宣姜至矣而猶不敢不以為小君也彼謂狡童碩鼠為稱其君者何哉

鶉之奔奔二章章四句

范氏曰宣姜之惡不可勝道也國人疾而刺之或遠言焉或切言焉遠言之者君子偕老是也切言之者鶉之奔奔是也衛詩至此而人道盡天理滅矣中國無以異於夷狄人類無以異於禽獸而



國隨以亡矣胡氏曰楊時有言詩載此

篇以見衛為狄所滅之因也故在定之

方中之前廬陵彭氏曰陳氏云木必壞

生焉聖人存此詩以為狄入因以是說

考於歷代凡淫亂者未有不至於殺身

敗國而亡其家者然後知古詩垂戒之

大而近世有獻議乞於經筵不以國風

進講者殊失聖經之旨矣三山李氏曰

而不刪之者所以示鑒戒也亦如春秋

亂臣賊子一一書之亦所以示戒也而

唐太子弘受左傳至於楚世子商臣弑

其君顧而請更受他書是不知聖人垂

訓之意也近世有建言經筵不進國風  
是亦不知聖人垂訓之意也顯音均

定丁依反之方中作于楚宮揆之以日作于楚室

樹之榛栗椅於宜反桐梓漆爰伐琴瑟

賦也定北方之宿營室星也此星昏而正中

夏正十月也於是時可以營制宮室故謂之

營室晉天文志曰營室二星一曰玄宮一曰清廟又為土功事○安成劉氏曰夏正

十月建亥春秋時十二月也農事已畢可以  
興作而人君居必南面故亥月昏時見定星

當南方之午位因記此星為每歲營作之候  
又因號為營室此蓋成周以後之制上考唐

虞之時定星以戌月昏中歲久而差至周時  
定星始以亥月昏中下建今日此星又以子

月昏矣楚宮楚丘之宮也鄭志楚丘揆度也樹



八尺之臬

音齧

而度其日之出入之景以定東

西又察日中之景以正南北也

孔氏曰匠人云水地以懸

之景以懸視以景為規識日出之景與日入

於所平之地中央樹八尺之臬以懸正之藥

繩也柱有角四角中垂以八繩繩皆附柱則

其柱正矣柱正然後視之以測日景也又轉

景其端指東兩端長短必與規齊測其端則

畫漏午時參此日中之景可以正南方之位

公建宮室定四方之法蓋亦如此方制度衛文

也荀楚室猶楚宮互文以協韻耳榛栗二木其

實榛小栗大皆可供籩實本草註曰榛樹高

樹高二三丈花青黃色實有房彙大者中子三五小者子唯一二椅梓實桐

皮桐梧桐也華谷嚴氏曰陸璣言有青桐白

桐梓漆之桐為白桐梧此中琴瑟者白桐也○本草註曰桐有白桐一種一桐白桐可斲琴葉

三枚開白花不結子一種荏桐子可作油一

種梧桐令人收其子炒作果一種岡桐無花

不可作梓楸之疎理白色而生子者本草註

琴體重桐而葉小漆木有液黏念平黑可飾器物

紫亦有三種本亦註曰漆樹高二三丈皮白葉似椿花似

也梔以斧斫其皮開以竹筒承之汁滴則成漆  
四木皆琴瑟之材也華谷嚴氏曰椅桐可  
實梓漆可供器用但言爰於也○衛為欽所



滅文公徙居楚丘營立宮室國人悅之而作

是詩以美之蘇氏曰種木者求用於十年之

後其不求近功凡此類也華陽范氏曰此詩美其新造而志於

永久埤雅云言其所種皆能預備禮樂之用

語曰一年之計莫如種穀十年之計莫如種木故文公於初作室之時早計如此○安成

劉氏曰此章上四句言其得天時地利之宜

○升彼虛起居反矣以望楚矣望楚與堂景

山與京叶居反降觀于桑卜云其吉終焉允臧

賦也虛故城也孔氏曰故墟高可望猶僖公

也楚楚丘也堂楚丘之旁邑也傳寅羣書百

州堂

景測景以正方面也與既景廼岡之景

同或曰景

音環

山名見商頌京高丘也桑木名

葉可飼蠶者觀之以察其土宜也

安成劉氏曰衛詩多

言桑如桑中與氓詩及此皆再三言之蓋衛

地跨冀兗二州桑者尤其土所宜而民生之

所資也據楚丘在冀河之東兗州之境則文

公所觀所說其桑土之野乎○蔡氏曰兗地

宜桑如桑間允信臧善也○此章本其始之

濮上可驗也

望鄭氏曰望楚丘與旁邑審其高下所依景

安成劉氏曰建國之制必先辨方辨方之法

必考日景故謂之景此章景山與京先審其

丘山之方向也上章揆之以觀降觀其下有

日復定其宮室之方向也

桑土可以居民○東萊呂卜三山李氏曰建

氏曰降觀以細察其土宜

國必相土地之



宜土地之既善然後稽之卜筮文公既有以相  
氏曰將遷國必考之卜卜如繇詩曰爰契而  
我龜楚丘之遷亦曰卜云其吉是也  
以至於終而果獲其善也信善如卜所言也  
○長樂劉氏曰建國之初憂民之不得其所  
不敢遑寧寧曰終焉允臧者喜其果遂於志願  
也○慶源輔氏曰既正其方面也又覽其形  
勢也又察其土宜也人事盡矣然後卜之則  
始之吉而終  
之臧宜矣

○靈雨既零命彼倌倌人星言夙駕說始銳于

桑田叶徒反匪直也人秉心塞淵叶一均反駉音來牝三

千叶倉新反

賦也靈善零落也倌人主駕者也星見星也

說舍止也秉操塞實淵深也馬七尺以上為

駉○言方春時雨既降而農桑之務作文公

於是命主駕者晨起駕車亟音棘往而勞去聲勸

之臨川王氏曰上章既言城市宮室於是言其政事蓋人君先辨方正位體國經野然

後可以施政事云○朱子曰古人戴星而然

非獨此人所操其心者誠實而淵深也蓋

其所畜之馬七尺而牝者亦已至於三千之

衆矣蓋人操心誠實而淵深則無所為而不

成其致此富盛宜矣疊山謝氏曰秉心也實故事事朴實不尚高虛

之談秉心也淵故事事深長不為淺近之計富國強兵豈談高虛務淺近者之所能辦哉



○眉山蘇氏曰富強之業必深厚者為之非輕揚淺薄者之所能致也記曰問

國君之富數馬以對今言駟牝之衆如此則

生息之蕃可見而衛國之富亦可知矣此章

又要其終而言也慶源輔氏曰此章乃要其

經營其國者如此其備繼之勸勞於民者如

此其勤則其終之善與富亦宜矣○廬陵曹

氏曰人君之一心萬事之本也文公之能勤

於農桑者此心也所以致牝馬之多者亦此

心也一心之誠實淵深

則無所為而不成矣

### 定之方中三章章七句

按春秋傳衛懿公九年冬狄入衛懿公

及狄人戰于熒音螢澤而敗死焉宋桓公

迎衛之遺民渡河而南立宣姜子申以

廬於漕是為戴公是年卒立其弟燬是

為文公於是齊桓公合諸侯以城楚丘

而遷衛焉文公大布之衣大帛之冠務

材訓農通商惠工敬教勸學授方任能

元年革車三十乘季年乃三百乘

程子曰一

章言建國之事次章方言相土度地之

初屬文之勢然也今文首言其事然後

言其初者多矣既度其可然後卜以決

之卜洛亦然人謀臧則龜筮從矣卒章

則叙其勤勞以致殷富○安成劉氏曰

春秋紀事用周月定星中時乃周之十

二月衛懿公九年十二月狄滅衛戴公

立而卒文公繼立以次年為元年至文



公二年歲首之月齊桓始城楚丘則詩人所指定星方中其在文公元年之終

楚丘未城之免歟然詩言終焉允臧騷批三千則是詩蓋作於文公之季年而

追言其始遷時事耳故二章以前皆本其始二章以後則要其終也

蛩反丁計蛩反都動在東莫之敢指女子有行遠萬于

父母兄弟反叶待

比也蛩蛩虹也日與雨交倏然成質似有血

氣之類乃陰陽之氣不當交而交者蓋天地

之淫氣也孔氏曰雙出色鮮盛者為雄曰虹暗者為雌曰蛩○須溪劉氏曰何

獨非陰陽之交而虹獨以不正在東者莫音暮

虹也虹隨日所映故朝西而莫東也安成劉氏曰虹

之為質不映日不成蓋雲薄漏日日映雨  
氣則生也今以水巽日亦成青紅之暈 ○

此刺淫奔之詩言蛺蝶在東而人不敢指以

比淫奔之惡人不可道况女子有行又當遠

其父母兄弟豈可不顧此而冒行乎 東萊呂氏曰女

子有行遠父母兄弟此詩蓋言女子終當適人非久在家者何為而犯禮也泉水竹竿蓋

衛女思家言女子分當適人雖欲常在父母兄弟之側不可得也一則欲常居家而不可

得一則欲亟去家而不

○朝濟子西于西崇朝其雨女子有行遠兄弟

父母叶滿補反

比也濟升也周禮十輝音九曰濟註以為虹



盖忽然而見如自下而升也

春官註眠侵掌十輝之法以觀

妖祥辨吉凶輝謂日旁之光氣一日侵陰陽氣相侵赤雲為陽黑雲為陰二日象如赤烏

三日冠珥五日旁雲氣刺日四日監赤雲在日旁如彌珥五日闇日月食六日管日月無光七

在日上九日隋虹也十日叙雲氣次序如山像○孔氏曰隋虹也十日叙雲氣次序如山

故彌虹隋日東則見西日西則見東崇終也

終旦至食時為終朝言方雨而虹見則其雨

終朝而止矣盖淫慝之氣有害於陰陽之和

也今俗謂虹能截雨信然

南軒張氏曰蝦蟇見則雨止初無東

西之分驗之多矣陰陽和則成雨陰氣方凝聚而日氣自他方來感不以正陰受其感其

正反為之解散故雨不能成也○慶源輔氏曰淫慝之氣害陰陽之和以比淫奔之惡害

人道之正蓋  
理所不容也

○乃如之人也懷昏姻也大無信

叶斯反

也不知

命

叶彌反

也

賦也乃如之人指淫奔者而言婚姻謂男女

之欲程子曰女子以不自失為信命正理也

○言此淫奔之人但知思念男女之欲是不

能自守其真信之節而不知天理之正也程

子曰人雖不能無欲然當有以制之無以制

之而惟欲之從則人道廢而入於禽獸矣以

道制欲則能順命

臨川王氏曰男女之欲性也  
有命焉君子不謂性也



○慶源輔氏曰男女之欲人所不能無也要當有以制之無以制之則失其貞信之節而有害於天理之正道即是理理即是命以道制欲則能順命去其人欲則能循乎天理矣

蝮螭三章章四句

相息亮反鼠有皮叶蒲何反人而無儀叶于何反人而無儀

不死何為叶吾何反

興也相視也鼠蟲之可賤惡者○言視彼鼠

而猶必有皮可以人而無儀乎人而無儀則

其不死亦何為哉

○相鼠有齒人而無止人而無止不死何俟叶羽

已反又音始

與也止容止也俟待也

○相鼠有體人而無禮人而無禮胡不遄死

叶想

反止

與也體支體也遄速也

相鼠三章章四句

慶源輔氏曰每章章末甚疾之之辭首章言威儀次章言容止末章方言體自淺以至

深以皮與儀以齒與止以體與禮亦有輕重也又曰蝮螫相鼠二詩皆文公之

化行而人心去邪反正見國人之淫奔在位之無禮為可惡而作故其辭意比

他詩特為嚴厲然亦未嘗不止於禮義也○華谷嚴氏曰凡獸皆有皮齒體獨

言鼠舉卑汚可惡之物以惡人之無禮也○東萊呂氏曰相鼠之惡無禮何其

如是之甚也蓋溺於淫亂之俗不如是



不足以致也疾惡

子子

居熟反

干旄在浚

蘇俊反

之郊

叶音高

素絲紕

符至

反

之良馬四之彼姝

赤朱反

者子何以畀

必寐反

之

賦也子子特出之貌干旄以旄牛尾注於旗

干之首而建之車後也

程子曰旄首九旗皆然

浚衛

邑名邑外謂之郊紕織組也蓋以素絲織組

而維之也四之兩服兩驂凡四馬以載之也

董氏曰馬在車中為服在車外為驂

姝美也子指所見之人也

畀與也○言衛大夫乘此車馬建此旄旄以

見賢者

程子曰旄旄旌皆通言耳謂卿大夫建旗而來觀浚之都禮下賢者彼

其所見之賢者將何以界之而答其禮意之

勤乎

朱子曰此是傍人見此人有好善之誠日彼姝者子何以告之盖指賢者而言也

○子子干旗在浚之都素絲組音祖之良馬五之

彼姝者子何以予

音與之

賦也旗州里所建鳥隼之旗也上設旌旄其

下繫旂

音由

旂下屬

音燭

繆

音彬

氏曰

旗之體也

○孔

氏曰

旗亦有旌旄三

章互文也

言旌則有旒

繆言旗則有旌

旒矣

皆畫鳥隼也

周禮司

常曰鳥

隼為旗

考工記曰

鳥旗七旂以象鵷

火盖畫朱鳥及隼於旂繆之上也

下邑曰

都五之五馬言其盛也

都五之五馬言其盛也

都五之五馬言其盛也

都五之五馬言其盛也

都五之五馬言其盛也

都五之五馬言其盛也



○子子干旌在浚之城素絲祝之良馬六之彼

姝者子何以告姑沃反之

賦也析羽為旌干旌蓋析翟羽設於旗干之

首也孔氏曰孫炎云析五采羽旌上則干之上有旌有羽又爾雅註旌首曰旌則

干旌一也干城都城也祝屬也六之六馬極其盛

而言也朱子曰五之六之取協韻耳亦極言其車馬之盛見其位高勢重而能降

屈於賢者如此非心誠好善不能也

### 干旌三章章六句

此上三詩小序皆以為文公時詩蓋見其列於定中載馳之間故爾他無所考

也然衛本以淫亂無禮不樂善道而亡其國今破滅之餘人心危懼正其有以懲創往事而興起善端之時也故其為詩如此蓋所謂生於憂患死於安樂者

小序之言疑亦有所本云

安成劉氏曰衛俗淫亂無

禮不好善道以致亡國君臣上下蓋嘗溺於三者之中而不知矣逮其滅亡之餘懲往事而興善念於是淫亂者有驟竦之刺無禮者有相鼠之惡樂善道者又有干旄之詩非文公之更化何以臻此

載馳載驅

叶祛尤反

歸唁衛侯驅馬悠悠言至於漕

叶徂反

大夫跋

蒲末反

涉我心則憂



賦也載則也吊失國曰唁

孔氏曰昭公二十五年穀梁傳云吊

失國曰唁若對吊死曰吊則吊生曰唁

悠悠遠而未至之貌草

行曰跋水行曰涉○宣姜之女為許穆公夫

人閔衛之亡馳驅而歸將以唁衛侯於漕邑

朱子曰此詩之作在定之方中之前則未知其為戴公時歟文公時歟

未至而

許之大夫有奔走跋涉而來者夫人知其必

將以不可歸之義來告故心以為憂也既而

終不果歸乃作此詩以自言其意爾

慶源輔氏曰據

此詩所言則是夫人既歸而許之大夫乃追之于路而告之以不可歸之義夫許大夫何不告而止之於欲行之時乎想夫人傷宗國之亡既請於穆公而公許之故遂行焉既而

大夫及國人皆以為不可遂請於穆公追而止之耳觀夫人見其大夫之至亦知其必將以不可歸之義來告而心以為憂則夫人之行亦固知其於義有不可者矣特以惻怛之情有不能自止者故為是第卒之行焉要知其初必竟是犯不義但能聞義而自克為可耳取

○既不我嘉不能旋反視爾不臧我思不遠既不我嘉不能旋濟視爾不臧我思不閔

賦也嘉臧皆善也遠猶忘也濟渡也自許歸衛必有所渡之水也閔閉也止也言思之不止也○言大夫既至而果不以我歸為善則我亦不能旋反而濟以至於衛矣雖視爾不



以我為善然我之所思終不能自已也

臨川王氏

曰宗廟顛覆變之大者人情之至痛也夫人致其思大  
致其思如此然後盡於人心夫人致其思大  
夫致其義非先王之澤孰能使人如此○慶  
源輔氏曰使許穆夫人知人以已為不善而  
竟為之則是從欲者也知人以已為不善雖  
不復為而情終不能自已則是幾乎情而止  
乎禮義者也

○陟彼阿丘言采其蟲音盲叶女子善懷亦各

有行叶戶反許人尤之衆穉直吏反且狂

賦也偏高曰阿丘蟲貝毋主療鬱結之疾善

懷多憂思也猶漢書云岸善崩也溝洫志曰引洛水至

商頤下行道尤過也○又言以其既不適衛

而思終不止也故其在塗或升高以舒憂想  
之情或采蠶以療鬱結之疾蓋女子所以善  
懷者亦各有道而許國之衆人以為過則亦  
少不更事而狂妄之人爾許人守禮非釋且  
狂也但以其不知已情之切至而言若是爾  
然而卒不敢違焉則亦豈真以為釋且狂哉  
○我行其野芄芄滯紅反其麥叶訖反控苦貢反于大  
邦誰因誰極大夫君子無我有尤叶于反百爾所  
思叶新反不如我所之

賦也芄芄麥盛長貌控持而告之也因如因



魏莊子之因

左傳襄公四年無終子使孟樂如晉因魏莊子納虎豹之皮以

請和諸戎

極至也大夫即跋涉之大夫君子謂許

國之衆人也○又言歸途在野而涉荒荒之

麥又自傷許國之小而力不能救故思欲為

之控告于大邦而又未知其將何所因而何

所至乎

華谷嚴氏曰味詩意夫人蓋欲赴魏於方伯以圖救衛而托歸唁為詞耳

大夫君子無以我為有過雖爾所以處此百

方然不如使我得自盡其心之為愈也

慶源輔氏

曰蓋欲其察我之情而憐我之志耳○豐城朱氏曰始之欲往幾乎情也終於不敢往止乎禮義也宗國顛覆而不知恤有人心者宜不若是恕也然而義有重於亡者獨且奈之

何裁宜其思  
之至切也

載馳四章二章章六句二章章八句

事見春秋傳

見閔公二年

舊說此詩五章一

章六句二章三章四句四章六句五章

八句蘇氏合二章三章以為一章按春

秋傳叔孫豹賦載馳之四章而取其控

于大邦誰因誰極之意與蘇說合今從

之范氏曰先王制禮父母沒則不得歸

寧者義也雖國滅君死不得往赴焉義

重於亡故也

華谷嚴氏曰首章婉而末露也次章欲言而未言也



三章始慨然責之四章乃言其情欲控  
于大邦而求其能救衛者此至哀至切  
之情也其後齊桓公卒救衛而存之○  
朱子曰載馳詩煞有尾委曲詳盡非  
大段會底說不得又曰聖人錄泉水於  
前所以著禮之經列載馳於後所以盡  
事之變夫宗國覆滅莫大之變顧以父  
母既終而不得歸則事變之微於是可  
知矣然則許穆夫亦賢矣哉又曰宣  
姜生衛文公宋桓夫人生許穆夫人衛壽  
子以此觀之則人生自有秉彜不係氣  
類○慶源輔氏曰宣公宣姜之惡極矣  
而其子如壽如文公其女如許穆夫人  
宋桓夫人則皆有賢德如是是何所觀  
法哉亦自強於善則惡人不為善耳以  
強於善則惡人不為善耳以是知人能  
強於善則惡人不為善耳以是知人能  
強於善則惡人不為善耳以是知人能

鄘國十篇二十九章百七十六句

衛一之五

瞻彼淇奧

於六反

綠竹猗猗

於宜反 於河反 叶

有匪君子

如切如磋

七何反

如琢如磨瑟兮僖

遐反 版

兮赫兮

咺

况晚反

兮有匪君子終不可諼

况况元反 况遠反 叶

兮

興也淇水名奧隈

音隈

爾雅曰隈為隈○長樂劉氏曰

水涯灣曲之地

綠色也淇上多竹漢世猶然所謂淇

園之竹是也

漢志武帝塞瓠子決河薪柴少乃下淇園之竹以為健又寇恂

傳伐淇園之竹為矢百餘萬健音健

猗猗始生柔弱而美盛也

匪斐通文章著見之貌也君子指武公也

孔氏

曰武公和僖侯子

治骨角者既切以刀斧而復磋以

鑢錫治玉石者既琢以槌鑿而復磨以沙石



言其德之脩飭有進而無已也

雙峯饒氏曰有匪君子詳

此文勢是說已做成君子之人言君子之所  
以斐然有文者其初自切磋琢磨中來○朱  
子曰切磋皆裁物使成形質也磋磨皆治物  
使其滑澤也切而復磋琢而復磨言治之有  
叙而益致瑟矜莊貌倜威嚴貌咺宣著貌諉  
其精也

忘也○衛人美武公之德而以綠竹始生之

美盛興其學問自脩之進益也

安成劉氏曰此釋章內上

五句○慶源輔氏曰以綠竹始生之美盛興  
武公道學自脩之進益遂言其威儀之盛而  
盛德至善民不能忘則固  
已極其始終而言之矣大學傳曰如切如

磋者道學也如琢如磨者自脩也

朱子曰道言也學謂

講習討論之事自脩者省察克治之功又曰  
既學而猶慮其未至則復講習討論以求之

猶治骨角者既切之而復磋之既脩而猶慮其未至則又省察克治以終之猶治玉石者既琢之而復磨之○問道學自脩此詩人義武公之本旨邪曰武公大段是有學問底人抑之一詩義理精密詩中如此者甚不易得○問大學傳引此詩而道學自脩釋之與論語子貢所引不同何也曰古人引詩斷章取義姑以茲已之志或踈或密或同或異蓋不能同也○北溪陳氏曰切是窮究事物之理逐件分析有倫有序磋是講究到純熟道理瑩徹所以如切而又磋琢是克去物欲之私使無瑕類磨是磨礪至那十分純粹處所以如琢瑟兮憇兮者憇音峻慄也赫兮咺兮者而又磨瑟兮憇兮者憇音峻慄也赫兮咺兮者

**威儀也**  
朱子曰瑟嚴密貌憇憇武毅貌赫咺宣

儀可象也恂慄者嚴敬之存乎外也  
**有斐君子終**

**不可諼兮者道盛德至善民之不能忘也**  
朱子



曰盛德至善蓋人心之同然聖人既先得之  
而其充盛宣著又如此是以民皆仰之而不  
能忘也盛德以身之所得而言也至善以理  
之所極而言也○慶源輔氏曰觀大學傳魯  
子所以解此詩首章後六句之說字義明白  
而旨意詳備愈讀愈有意昧此方可謂之善  
說詩蓋後之說詩者詳於訓詁則或略於音  
意泥於旨意則或遺於訓詁惟魯子則於字  
義旨意兩皆  
極其至也

○瞻彼淇奧綠竹青青子丁反有匪君子充耳琇

瑩音營會反如星瑟兮僊兮赫兮咺兮有匪

君子終不可諼兮

興也青青堅剛茂盛之貌充耳瑱音殿也琇瑩

美石也天子玉瑱諸侯以石會縫去聲也弁皮

弁也以玉飾皮弁之縫中如星之明也孔氏曰弁

師註云會縫中也皮弁之縫中結玉為飾謂之綦武公諸侯則玉用三采而綦飾七也

○以竹之堅剛茂盛興其服飾之尊嚴安成劉氏

曰此釋上五句而見其德之稱也安成劉氏曰此釋下四句

○瞻彼淇奧綠竹如簣音責叶則歷反有匪君子如金

如錫如圭如璧寬兮綽兮猗於綺反重直恭反較古岳

反兮善戲謔兮不為虐兮

興也簣檣上聲也禮記檀弓註曰簣謂床第即床棧也竹之密

比去聲似之則盛之至也金錫言其鍛鍊之精

純圭璧言其生質之溫潤孔氏曰此與首章互文首章論其學



問自脩如器未成之初故須切磋琢磨此  
論道德之成如已成之器故言圭璧金錫寬

宏裕也綽開大也猗歎辭也重較卿士之車

也較兩騎音倚上出軾者謂車兩傍也藍田呂氏曰古

者車箱長四尺四寸三分前一後二橫一木  
下去車床三尺三寸謂之式又於式上二尺

二寸橫一木謂之較去車床凡五尺五寸古  
人立乘者平常則憑較若應為敬則落手憑

下式而善戲謔不為虐者言其樂易而有節

也程子曰言其樂易而以禮防節不至於過  
是不為虐也○慶源輔氏曰寬廣而自如

則無勉強之意和易而中節則有從  
容自得之意非盛德者不能如此也○以竹

之至盛興其德之成就安成劉氏曰而又言

其寬廣而自如和易而中節也安成劉氏曰

蓋寬綽無歛束之意戲譎非莊厲之時皆常情所忽而易致過差之地也然猶可觀而必有節焉則其動容周旋之間無適而非禮亦

可見矣

安成劉氏曰綠竹自始生猗猗以至盛多如簣則成其生矣武公由學問

自脩如金錫之出於鍛鍊如圭璧之成於琢磨則成其德矣興之取義蓋如此若其寬綽而居重較則自如而猶可觀也戲譎而不為虐和易而必有節也所以能然者由其德之全備也○定字陳氏曰充耳會弁則以德之稱其服言重較則以德之稱其車言也禮

曰張而不弛文武不能也弛而不張文武不

為也一張一弛文武之道也此之謂也

鄭氏曰君

子之德有張有弛故不常矜莊而時戲譎○止齋陳氏曰古人張不廢弛屏不廢逞肅肅



不廢離離僅僅不廢邠邠有所拘者必有所  
從也○安成劉氏曰前章瑟憖赫咺張之時  
謹也此章寬綽戲弛之時也

### 淇奥三章章九句

按國語武公年九十有五猶箴儆于國  
曰自卿以下至于師長士苟在朝者無  
謂我老耄而舍我必恪恭於朝以交戒  
我遂作懿懿當作讀戒之詩以自警而賓  
之初筵亦武公悔過之作則其有文章  
而能聽規諫以禮自防也可知矣衛之  
他君蓋無足以及此者故序以此詩為

義武公而今從之也

問武公進德成德之序始終可見一

章言如此切如磋琢磨則學問自脩之精  
密如此外二章言威儀服飾之盛有諸中  
而形諸外也三章言如金錫圭璧則鍛  
鍊已精溫純深粹而德器成矣前二章  
皆有瑟憫赫咺之辭第三章但言寬綽  
禮之意朱子曰說得甚善武公學問之  
功甚不苟年九十猶命羣臣使進規  
諫畢竟他去聖人近氣象自是不同○  
豐城朱氏曰首章以竹之盛與其德  
之進脩卒章以竹之至盛與其德之成  
就合二章而觀之所以能進也所以能  
精純者由其知行之並進也所以能全  
其生質之溫潤者由其表裏之相符也  
寬廣者矜莊之反矜莊而寬廣則是  
寬而有制也和易者威嚴之反威嚴而  
又和易則是嚴而能泰也此所以為德  
之成也如是則其謂之睿聖也亦可以



無愧矣

考槃在澗

叶居賢反

碩人之寬

叶區權反

獨寐寤言永矢

弗諼

况元反

賦也考成也槃盤桓之意言成其隱處之室

也陳氏曰考扣也槃器名蓋扣之以節歌如

鼓盆拊缶之為樂

音洛

也二說未知孰是山夾

水曰澗碩大寬廣永長矢誓諼忘也○詩人

義賢者隱處澗谷之間而碩大寬廣無戚戚

之意雖獨寐而寤言猶自誓其不忘此樂也

華谷嚴氏曰碩人之寬易所謂肥遯者也○永嘉陳氏曰碩人在澗考槃樂歌天子不得

而臣諸侯不得而友雖寤寐永誓不忘此樂

○考槃在阿碩人之適苦禾反獨寐寤歌永矢弗

過古禾反

賦也曲陵曰阿適義未詳或云亦寬大之意

也永矢弗過自誓所願不踰於此若將終身

之意也慶源輔氏曰退而窮處偈反甚矣而能寬大自樂若將終身焉蓋無入而

不自得也

○考槃在陸碩人之軸獨寐寤宿永矢弗告姑反

反

賦也高平曰陸軸盤桓不行之意眉山蘇氏曰盤桓不



行從容自  
廣之謂也  
寤宿已覺而猶卧也弗告者不以

此樂告人也

考槃三章章四句

孔叢子曰吾於考槃見  
邈世之士無悶於世○

慶源輔氏曰孔叢子所說深得詩意○  
豐城朱氏曰賢者隱處於澗谷之間而

自誓不忘其樂蓋其所養之充所守之  
正而不徇乎外物之誘則天下之樂亦

孰有加於此哉獨寐寤言獨寐寤歌  
獨寐寤宿見其無往而不獨樂也

碩人其頤

反其機

衣

反於既

錦褰

反苦迥

衣齊侯之子

衛侯之妻東宮之妹邢侯之姨譚公維私

反息夷

賦也碩人指莊姜也頤長貌

孔氏曰猗嗟  
云頤而長兮錦

文衣也褰褻也

單也

也錦衣而加褻焉為其文之

太著也

朱子曰聚儀禮作景禮記作綱古註以為禪衣所以襲錦衣者沈存中謂

聚與簪同是用簪麻織布為之不知東宮太

是否○華谷嚴氏曰聚以穀為之

子所居之宮齊太子得臣也繫太子言之者

明與同母言所生之貴也女子後生曰妹妻

之姊妹曰姨姊妹之夫曰私邢侯譚侯皆莊

姜姊妹之夫互言之也眉山蘇氏曰邢周公之後譚近齊○孔氏

曰春秋譚子奔莒則譚子爵○東萊呂氏曰

白虎通云臣子於其國中皆褒其君為公

諸侯之女嫁於諸侯則尊同故歷言之安成

曰歷言此者以見莊姜之姊妹

與莊公之姻婭其尊皆同也

○莊姜事見

邶風綠衣等篇春秋傳曰莊姜美而無子衛



人為之賦碩人即謂此詩而其首章極稱其

族類之貴以見其為正嫡小君所宜親厚而

重歎莊公之昏惑也孔氏曰其父母兄弟皆

之乎。華谷嚴氏曰風人不直言莊姜不見

答之事但首章歷述其親族欲讀之者知其

為莊姜則不見答之事國人

自知之不待察察言之矣

○手如柔荑徒兮膚如凝脂似修領如蝤蛴齊音

齒如瓠犀戶故犀螭秦音首蛾眉我彼巧笑倩七薦

兮美目盼兮匹覓反叶

賦也茅之始生曰荑言柔而白也凝脂脂寒

而凝者亦言白也領頸也蝤蛴木蟲之白而

長者

本草註曰郭璞云腐木根下有之瘦而白瓠犀瓠中之子方

正潔白而比次整齊也螭如蟬而小其額廣

而方正

鄭氏曰螭螭也其眉細而長曲倩

口輔之義也

孔氏曰服虔云輔上額車也是牙外之皮膚頰下之別名也

盼黑白分明也○此章言其容貌之義猶前

章之意也

鄭氏曰言莊姜容貌之義所宜親幸也

○碩人教教

五刀反說始銳反于農郊叶音高四牡有

驕

起橋反朱幘符云鑣鑣表驕反翟茀音弗以朝

直遙反直豪反

大夫夙退無使君勞

賦也教教長貌說舍也農郊近郊也四牡車



之四馬驕壯貌幘鑣飾也鑣者馬銜外鐵廬

羅氏曰鑣一名扇汗又曰人君以朱纒之也

鑣鑣盛也孔氏曰言以朱飾翟翟車也夫人

以翟羽飾車第蔽也婦人之車前後設蔽孔氏

曰婦人不露見車前後設夙早也王藻曰君

日出而視朝鄭氏曰朝內朝路退適路寢聽

政使人視大夫大夫退然後適小寢釋服鄭氏

曰小寢燕寢也釋服服玄端○孔氏曰君出

視朝畢乃適路寢以待大夫之所諮決事之

多少大夫所主故○此言莊姜自齊來嫁舍

止近郊乘是車馬之盛以入君之朝國人樂

言作九全三  
得以為莊公之配故謂諸大夫朝於君者宜  
早退無使君勞於政事不得與夫人相親而  
歎今之不然也

○河水洋洋北流活活古開反叶施音眾音濊音濊音

呼活反叶許月反反鱣陟連反鮪于軌反發補末反叶葭音

莢他覽反揭居謁反庶姜孽孽魚竭反庶士有暵歎列反

反

賦也河在齊西衛東北流入海洋洋盛大貌  
活活流貌施設也眾魚罟也濊濊罟入水聲  
也說文曰濊鱣魚似龍黃色銳頭口在頷下

說文曰濊



背上腹下皆有甲大者千餘斤

孔氏曰鱣魚體有邪行甲

無鱗大者長二三丈江東呼為黃魚鮪似鱣而小色青黑

孔氏曰陸

璣云鮪頭小而尖似鐵塊鰓口亦在頷下其甲可以磨薑大者不過七八尺一名鮓肉色

味不如鱣也發發盛貌炎龍頷去聲也亦謂之荻

揭揭長也庶姜謂姪娣孽孽盛飾也庶士謂

媵臣謁武貌○言齊地廣饒而夫人之來士

女佼好禮儀盛備如此亦首章之意也

碩人四章章七句

孔氏曰此詩皆陳莊姜宜於見答而君不親也

○華谷嚴氏曰此詩無一語及莊姜不見答之事但言其姻族之貴容貌之美

禮儀之備又言齊地廣饒士女佼好以深寓其閔惜之意而已惟大夫風退無

使君勞二句微見其意而辭亦深婉風  
人之辭大抵然也○新安胡氏曰黃氏  
云綠衣詩言嬖妾之不當僭而僭碩人  
詩言夫人之宜見答而不見答○慶源  
輔氏曰觀邶風燕燕等篇則莊姜之德  
行文章皆未易及而此詩不之言何也  
朱子曰此但指其人所易見者以刺莊  
公之昏惑而不知耳莊姜之美則固不  
止此也

氓之蚩蚩

尺之反

抱布貿

莫豆反

絲

叶新齊反

匪來貿絲

來即我謀

叶謨悲反

送子涉淇

至于頓丘

叶祛奇反

匪我

愆期子無良媒

叶謨悲反

將

七羊反子無怒秋以為期

賦也氓民也蓋男子而不知其誰何之稱也

朱子曰始見其來莫知其為誰何也蚩蚩無

既與之謀則爾汝之矣此言之序也



知之貌蓋怨而鄙之也布幣

孔氏曰幣者布帛之名

買

買也

釋文曰交易也

買絲蓋初夏之時也頓丘地名

華谷嚴氏曰在朝歌之東漢志陳郡有頓丘縣師古云以丘為縣也丘一成為頓丘謂一

頓而

成也愆過也將願也請也○此淫婦為人所

棄而自叙其事以道其悔恨之意夫既與之

謀而不遂往又責所無以難其事再為之約

以堅其志此其計亦狡矣以御蚩蚩之氓宜

其有餘而不免於見棄蓋一失其身人所賤

惡始雖以欲而迷後必以時而悟是以無往

而不困耳士君子立身一敗而萬事瓦裂者

何以異此可不戒哉

慶源輔氏曰讀先生之說令人惕然知戒不敢

有一毫自恕之意也

○乘彼塿

反俱毀

垣

表音

以望復關

叶圭反

不見復關

泣涕漣漣

連音

既見復關載笑載言爾卜爾筮體

無咎言以爾車來以我賄

呼罪反

遷

賦也塿毀垣墻也復關男子之所居也不敢

顯言其人故託言之耳龜曰卜著曰筮體兆

卦之體也

朱子曰龜歲久則靈著生百年一本百莖亦物之靈者卜筮實問鬼

神以著龜神靈之物故假之以驗其卦兆卜法以明火焚柴灼龜為兆筮法以四十九著

分掛探扞凡十八變而成卦○孔氏曰兆卦之體謂龜兆筮卦也故左傳曰一薰一蕕十



年尚有臭是龜之繇易曰困于石據于賄財

遷徙也○與之期矣故及期而垂堦垣以望

之既見之矣於是問其卜筮所得卦兆之體

若無凶咎之言慶源輔氏曰此章可見古人

子謀不為小人謀則亦不敢求之筮矣○安

成劉氏曰卜筮之法所以開物成務定天下

之吉凶成天下之亹亹者曾謂有強人之瀆

問而尚得無凶咎之言乎以其猶能自疑而

欲決之也則請以蒙之六三告之蓋使此氓

而知勿用取行不順之戒此女而知不有躬

无攸利之戒則必各求正則以爾之車來迎

應豈復至於相棄也哉

當以我之賄往遷也

○桑之未落其葉沃若于音吁下同嗟鳩兮無食桑

萁音甚叶于嗟女兮無與士耽叶持反士之耽兮

猶可說也女之耽兮不可說也

比而興也沃若潤澤貌鳩音骨鳩也似山雀

而小短尾青黑色多聲華谷嚴氏曰即莊子所謂鶯鳩也郭璞云

似山鵲呼為鶯鳩音骨嘲本萁桑實也鳩食

萁多則致醉耽相樂也說解也○言桑之潤

澤以比已之容色光麗然又念其不可恃此

而從欲忘反故遂戒鳩無食桑萁以興下句

戒女無與士耽也安成劉氏曰此章比自比興自興下泉則就以比辭

起興蓋有兩例後凡言比而士猶可說而女



不可說者婦人彼棄之後深自愧悔之辭主

言婦人無外事唯以貞信為節一失其正則

餘無足觀爾不可便謂士之耽惑實無所妨

也鄭氏曰士有百行可以功過相掩婦人唯以貞信為節○安成劉氏曰集傳所謂主

言者蓋以此婦立言之意專主於言婦人不

可一失其節故其辭意抑揚重於女而輕於

男非謂男有可耽之理而無所妨玩詩文猶

之一字意亦可見讀者當不失性情之正也

○桑之落矣其黃而隕叶于自我徂爾三歲食

貧淇水湯湯音傷漸子廉反車帷裳女也不爽叶師反

士貳其行下孟反叶士也罔極二三其德

比也隕落徂往也湯湯水盛貌漸漬也帷裳

車飾亦名童容婦人之車則有之

孔氏曰以幃障車之

傍如裳以為容飾故謂童容

爽差極至也○言桑之黃落

以比已之容色凋謝遂言自我往之爾家而

值爾之貧於是見棄復乘車而度水以歸復

自言其過不在此而在彼也

慶源輔氏曰女也

其誓約之言不差耳豈不悔其初之失哉雖云曲不在已殊不知始既如此則其終固宜

然也○安成劉氏曰此婦首稱曰氓繼而曰子繼而曰爾又繼而謂之士繼而復曰爾又

復曰士或鄙之或親之或貴之此所以為怨婦之辭歟

○三歲為婦靡室勞矣夙興夜寐靡有朝

叶直豪反

矣言既遂矣至于暴矣兄弟不知啞

許意反

其笑



燥叶音

矣靜言思之躬自悼矣

賦也靡不夙早興起也啞笑貌○言我三歲  
為婦盡心竭力不以室家之務為勞早起夜  
卧無有朝旦之暇與爾始相謀約之言既遂  
而爾遽以暴戾加我兄弟見我之歸不知其  
然但啞然其笑而已蓋淫奔從人不為兄弟  
所齒故其見棄而歸亦不為兄弟所恤理固  
有必然者亦何所歸咎哉但自痛悼而已

○及爾偕老老使我怨淇則有岸

叶魚戰反

隰則有

泮

音畔叶見反

綏角之宴言笑晏晏

叶伊反

信誓旦旦

叶得

不思其反

叶孚

反是不思

叶新

亦已焉哉

黎反

賦而興也及與也泮涯也高下之判也總角

女子未許嫁則未笄但結髮為飾也

孔氏曰但結其

髮為兩角

晏晏和柔也旦旦明也○言我與汝本

期偕老不知老而見棄如此徒使我怨也

安成

劉氏曰詩言總角之宴則此女未笄而已奔

矣又言老使我怨則至老而後見棄也故前

章以桑之黃落自比其色之衰也所謂三歲

為婦三歲食貧者言其在夫家貧勞之歲月  
耳淇則有岸矣隰則有泮矣而我總角之時  
與爾宴樂言笑成此信誓曾不思其反復以



至於此也此則興也

安成劉氏曰此章興在賦外他章亦有就賦其

事以起興如黍離之類者蓋亦有兩例也既後凡言賦而興者當各以其文意求之

不思其反復而至此矣則亦如之何哉亦已

而已矣傳曰思其終也思其復也思其反之

謂也襄公二十五年註曰思使終可成思其可復行也○慶源輔氏曰靜言思之躬

自悼矣反是不思亦已焉我皆悔恨之極也大凡人之處事須當思其反不然鮮有不陷

於凶咎者欲心一縱則必不能思其反耳

### 氓六章章十句

長樂劉氏曰夫婦者五品之本匹配雖自於人謀義

理實根於天地順其道者足以安於其位逆其理者無以保於其生蓋肇有人

倫以來未有違理犯義終其身而弗悔者此氓詩之所由作也○慶源輔氏曰

谷風與氓二詩皆怨然谷風雖怨而責  
 之其辭直蓋其初以正也氓之詩則怨  
 而悔之耳其辭隱蓋其初之不也正也嘗  
 謂二詩皆出於衛之婦人其文辭序次  
 雖後世工文之士所不能及然考其行  
 則一賢一否如之是不同所謂有言者  
 不必有德豈不信哉○安成劉氏曰此  
 詩及邶谷風皆棄婦所作故其辭意多  
 同桑之黃隕即涇濁之色也食貧靡勝  
 即方舟泳游之苦也至於暴矣即有沈  
 有漬之於意也偕老而使於暴矣即有  
 而比予于毒也然則宴爾新婚以我御  
 窮則其過今在於夫女之耽兮不可說  
 也則其過昔在於已今之過在夫故可  
 責其不念昔者之來墜昔之過在已故  
 終於自悔昔者之不墜其反此詩自悔  
 之深固不得如谷風  
 歸怨之深也璧音戲

籊籊  
 他歷  
 反  
 竹竿以釣于淇豈不爾思遠莫致之



賦也籊籊長而殺去聲也廬陵羅氏曰竹竿長

小竹衛物淇衛地也○衛女嫁於諸侯思歸

寧而不可得故作此詩言思以竹竿釣于淇

水而遠不可至也慶源輔氏曰豈不爾思者言固不能不思也遠莫致

之者以義有不可故託以遠而不能致耳

○泉源在左淇水在右叶羽反女子有行遠于萬反

父母兄弟叶滿被反

賦也泉源即百泉也在衛之西北而東南流

入淇故曰在左淇在衛之西南而東流與泉

源合故曰在右新安胡氏曰以北為左南為右○思二水之

在衛而自歎其不如也

慶源輔氏曰女子有行遠父母兄弟安之

之辭

○淇水在右泉源在左巧笑之瑤

七可反

佩玉之

儺

乃可反

賦也瑤鮮白色笑而見齒其色瑤然猶所謂粲然皆笑也儺行有度也○承上章言二水在衛而自恨其不得笑語遊戲於其間也

○淇水悠悠

音由

檜楫松舟駕言出遊以寫我憂

賦也悠悠流貌檜木名似柏

毛氏曰檜柏葉松身○孔氏曰

禹貢枯栢註栢葉松身曰枯與此一也

楫所以行舟也○與泉



水之卒章同意

竹竿四章章四句

眉山蘇氏曰泉水載馳竹竿皆異國詩而在衛

者以其聲衛聲歟記云鄭聲好濫淫志衛音促數煩志齊音傲僻驕志蓋諸國

之音未有同者衛女思歸而作詩其為衛音也宜

莞

音丸

蘭之支童子佩觿

許規反

雖則佩觿能不我

知容兮遂兮垂帶悸

其季反

兮

興也莞蘭草一名蘿摩蔓生斷之有白汁可

啖

音淡

○本草註曰幽州謂之雀瓢○爾雅名藿音黃

支枝同

董氏曰石經作

枝說文同

觿也以象骨為之所以解結成人之

佩非童子之飾也知猶智也言其才能不足

以知於我也容遂舒緩放肆之貌悸帶下垂

○菟蘭之葉童子佩鞢失涉反雖則佩鞢能不我

甲叶古反容兮遂兮垂帶悸兮

與也鞢決也以象骨為之著音斫右手大指所

以鉤弦闔音開開同與體鄭氏曰沓音冒也即大射

所謂朱極三是也以朱韋為之用以彊音樞沓

右手食指將去聲指無名指也儀禮大射小射正取決與贊設

決朱極三○鄭氏曰極猶放也所以韜甲長

也言其才能不足以長於我也



芟蘭二章章六句

此詩不知所謂不敢強解

慶源輔氏曰

宣公卒惠公幼而杜預又謂惠公即位時方十五六則小序以此詩屬之惠公亦可但他無所見而詩文又不明言其所以故先生直斷以為不知所謂不敢強解此闕疑之義若必為刺衛惠公則便至有依託鑿空之失矣

誰謂河廣一葦

韋鬼反

杭

戶郎反之誰謂宋遠跂

丘豎反

反予望

叶武方反之

賦也葦蒹葭之屬杭度也衛在河北宋在河

南○宣姜之女為宋桓公夫人生襄公而出

歸于衛襄公即位夫人思之而義不可往蓋

嗣君承父之重與祖為體

東陽許氏曰以昭穆言○廬陵羅氏

日孫為王父尸

母出與廟絕不可以私反故作此詩

言誰謂河廣乎但以一葦加之則可以渡矣

誰謂宋國遠乎但一跂足而望則可以見矣

華谷嚴氏曰跋舉踵也脚跟不著地

明非宋遠而不可至也乃

義不可而不得往耳

華谷嚴氏曰箋謂宋襄公即位其母思之而作

河廣之詩孔氏因以為衛文公時非也衛都朝歌在河北宋都睢陽在河南自衛適宋必

涉河衛自魯閔公二年狄入之後戴公始渡河而南河廣之詩言誰謂河廣一葦杭之則

是作於衛未遷之前矣時宋桓公猶在襄公方為世子衛戴公文公俱未立也舊說誤矣

孔氏以河廣屬衛風當為衛人所作非宋襄公母所親作然宋襄公母本衛女又歸衛而



作此詩不屬之  
衛何所屬乎

○誰謂河廣曾不容刀誰謂宋遠曾不崇朝

賦也小船曰刀不容刀言小也崇終也行不

終朝而至言近也

華谷嚴氏曰刀劬古字通  
用○慶源輔氏曰但言非

河之廣而不可渡非宋之遠而不可至以極  
其情思焉而終不明言其義之不得往也此

意最可玩范氏以為知  
禮而畏義者得之矣

### 河廣二章章四句

范氏曰夫人之不往義也天下豈有無  
母之人歟有千乘之國而不得養其母  
則人之不幸也為襄公者將若之何生

則致其孝沒則盡其禮而已衛有婦人

之詩自共姜至於襄公之母六人焉廬陵

羅氏曰六人謂共姜也莊姜也許穆夫人也宋桓夫人也泉水之女也竹竿之

也皆止於禮義而不敢過也夫以衛之

政教淫僻風俗傷敗然而女子乃有知

禮而畏義如此者則以先王之化猶有

存焉故也慶源輔氏曰范氏為襄公處

猶有存焉即大序所謂止乎禮義先王

之澤也必如此等詩方可當之○豐城

朱氏曰母出固與廟絕而母之與子初

無絕道也為襄公者當若之何曰宗廟

之中不以恩揜義聞門之內不以義勝

恩襄公能盡其誠敬於宗廟則外既不



失乎承重之義盡其孝養於慈母則內  
亦不失乎愛親之仁庶乎思義兩全而  
無憾矣然則母可以返國乎曰母之轍  
雖不可以私返而子之使則未嘗不可  
以私往也歲時問安之使交錯於道路  
而一草一木之微必先以奉乎親焉則  
子之心可以無愧而母  
之心亦可以少慰矣

伯兮

反丘

列

伯兮之烝烝伯也執殳

反市

朱

為

于偽

反

王前驅

賦也伯婦人目其夫之字也謁武貌烝才過  
人也殳長丈二而無刃○婦人以夫久從征  
役而作是詩言其君子之才之義如是今方  
執殳而為王前驅也

慶源輔氏曰先言其君子之才之義如是而後

言方執爿而為王前驅則是惜其用之不得其所也

○自伯之東首如飛蓬豈無膏沐誰適都歷反為

容

賦也蓬草名其華如柳絮聚而飛如亂髮也膏所以澤髮者沐滌首去垢也適主也○言我髮亂如此非無膏沐可以為容所以不為者君子行役無所主而為之故也傳曰女為

悅已容

戰國策曰晉豫讓云士為知己者死女為悅己者容○慶源輔氏曰此其

真情也○東萊呂氏曰膏所以膏首面沐蓋潘也左傳遺之潘沐杜預云潘米汁可以沐頭魯遣展喜以膏沐勞齊師則膏非專婦人用也○新安胡氏曰內則女事父母舅姑五



日燂湯請浴三日具沐其間面垢燂澣請  
澣足垢燂湯澣請洗註潘漸來汁澣澣面

○其雨其雨杲杲反古老出日願言思伯甘心首

疾

比也其者冀其將然之詞○冀其將雨而杲

然日出以比望其君子之歸而不歸也是以

不堪憂思之苦而寧甘心於首疾也慶源輔氏曰冀

其歸復不歸則其憂思為尤甚

○焉反於虔得反况表草言樹之背音佩願言思伯

使我心痠反呼內

賦也謏忘也謏草合歡食之令人忘憂者本草

註曰一名鹿葱其花名宜男懷胎婦人佩其花生男也萱草味甘令人好歡樂忘憂背

北堂也

孔氏曰房室所居之地總謂之堂房半以北為北堂房半以南為南堂○

廬陵李氏曰北堂有北階賈氏云房與室相連為之房無北壁故得北堂之名○安成劉

氏曰北堂背南痠病也○言焉得忘憂之草

樹之北堂以忘吾憂乎

朱子曰北堂蓋古之植花草之處然

終不忍忘也是以寧不求此草而但願言思

伯雖至於心痠而不辭爾心痠則其病益深

非特首疾而已也

伯兮四章章四句

范氏曰居而相離則思期而不至則憂



此人之情也文王之遣成役周公之勞  
歸士皆叙其室家之情男女之思以閔  
之故其民悅而忘死聖人能通天下之  
志是以能成天下之務兵者毒民於死  
者也孤人之子寡人之妻傷天地之和  
召水旱之災故聖王重之如不得已而  
行則告以歸期念其勤勞哀傷慘怛不  
啻在已是以治世之詩則言其君上閔  
恤之情亂世之詩則錄其室家怨思之  
苦以為人情不出乎此也

慶源輔氏曰  
范氏之說誠

足以詒萬世人君而如此義則知謹重  
於用兵矣至於所謂治世之詩則述其  
君上閔恤之情亂世之詩則錄其室家  
怨思之苦以為人情不出乎此者又深  
得聖人錄詩之意○三山李氏曰古者  
師出不逾時所以重民力也春秋時用  
兵多矣未有書師還者獨於莊公八年  
書之以見逾時不返也然采薇之役逾  
年而歸東山之師三年而至於詩人乃美  
之者蓋用之得其道則民無怨懟之心  
不得其道則逾時  
之久而入怨矣

有狐綏綏在彼淇梁心之憂矣之子無裳

比也狐者妖媚之獸綏綏獨行求匹之貌

嚴氏曰狐性淫又多疑綏綏然獨行而遲疑

有求匹之意喻無妻之人也○本草曰狐鼻  
尖尾大善  
為妖魅  
石絕水曰梁在梁則可以裳矣○



國亂民散喪其妃

同配

耦有寡婦見鰥夫而欲

嫁之故託言有狐獨行而憂其無裳也

疊山謝氏

曰見鰥夫無人縫裳而有憂則其情可知矣因其有言者以探其不言者可以言風人之

旨矣

○有狐綏綏在彼淇厲心之憂矣之子無帶

叶丁

反計

比也厲深水可涉處也帶所以申束衣也在

厲則可以帶矣

○有狐綏綏在彼淇側心之憂矣之子無服

叶蒲

反北

比也濟乎水則可以服矣

有狐三章章四句

投我以木瓜

呼反

報之以瓊琚

音居

匪報也永以

為好

呼報反

也

比也木瓜

音茂

木也實如小瓜酢可食

本草曰木

狀如柰花生於春末深紅色其實大者如瓜小者如拳爾雅謂之林○徐氏曰瓜有瓜瓠

桃有羊桃李有崔李此皆枝蔓也故言木瓜木桃李以別之也

瓊王之義

者琚佩玉名

廬陵羅氏曰琚慶佩之中所以貫纈珠而上繫於珩下維璜衝

牙者也

○言人有贈我以微物我當報之以重

寶而猶未足以為報也但欲其長以為好而



不忘耳疑亦男女相贈答之辭如靜女之類  
○投我以木桃報之以瓊瑶匪報也永以為好也

比也瑶義玉也

○投我以木李報之以瓊玖音久叶舉里反匪報也永

以為好也

比也玖亦玉名也

說文曰玖玉黑色○孔氏曰丘中有麻傳云玖石次

玉者是玖非全玉也


木瓜三章章四句

衛國十篇三十四章二百三句

張子曰衛國地濱大河其地土薄故  
其人氣輕浮其地平下故其人質柔  
弱其地肥饒不費耕耨故其人心怠  
惰其人情性如此則其聲音亦淫靡  
故聞其樂使人懈慢而有邪僻之心  
也鄭詩放此慶源輔氏曰鄭衛之俗  
淫靡非獨習俗之弊蓋  
亦風土所致張子幾此說可謂能通  
天地人矣○定宇陳氏曰此說大槩  
為淫詩言耳廊柏舟定之  
方中淇奧等篇不在此限


詩傳大全卷之三





張子曰衛國地濱大河其地土薄故  
其人氣輕薄其地平下故其人質柔  
弱其地肥饒不費耕耨故其人心怠  
惰其人情性如此則其聲音亦淫靡  
故聞其樂使人懈慢而有邪僻之心  
也鄭詩放此慶源鄭氏曰鄭衛之俗  
非獨習俗之弊蓋  
亦風上所致張子畏此說可謂大  
天也人矣○定字陳氏曰此說大  
為淫詩言耳鄭柏舟定之  
方中洪興等篇不在此限









海

山